

BERGRIVIER MUNISIPALITEIT

VERORDENING INSAKE BRANDVEILIGHEID

Kragtens die bepalings van artikel 156(2) van die Grondwet van die Republiek van Suid-Afrika, 1996 bepaal die Bergrivier Munisipaliteit soos volg:-

Inhoudsopgawe

HOOFSTUK 1 : WOORDOMSKRYWING EN INTERPRETASIE VAN HIERDIE VERORDENING

1. Woordoms krywing en interpretasie

HOOFSTUK 2 : DOEL EN TOEPASSING VAN VERORDENING

2. Doel van verordening
3. Toepassing van verordening

HOOFSTUK 3 : INSTELLING VAN 'N BRANDWEERDIENS

4. Instelling en onderhoud van diens
5. Oogmerke van die Diens
6. Aanmelding van 'n brandgevaar en ander dreigende gevaar
7. Administrasie en afdwinging
8. Delegering
9. Brandweerhoof
10. Instruksies deur lede van diens
11. Voorgee as lid van diens verbode
12. Sertifikate om lede van diens te identifiseer
13. Dra van uniform en kentekens
14. Bestuur van diensvoertuie
15. Pligte en bevele gedurende noodsituasies
16. Reg van toegang tot geboue en persele en uitreiking van instruksies
17. Inmenging met die Diens
18. Verskaffing van vals inligting
19. Weiering, opskorting of intrekking van 'n goedkeuring of 'n sertifikaat
20. Rekords benodig, toegang tot rekords en vrystelling van media verklarings
21. Versuim om aan bepalings te voldoen
22. Betaling vir dienste
23. Gesamentlike Brandweerdien Komitee

HOOFSTUK 4 : BRANDBESKERMING

Deel A : Brandbeskerming vir geboue en persele

24. Algemene bepalings
25. Ontwerp en konstruksie van geboue
26. Ontwerp en konstruksie van stortingsterreine
27. Ontwerp en konstruksie van ander strukture en persele
28. Vereistes vir sprinkelblusstelsels
29. Vereistes vir uittrekwaaierstelsels
30. Vereistes vir nooduitgange
31. Vereistes vir branddeure en toebehore
32. Ontwerp, identifisering en toegang vir brandbestryding en reddingsdoeleindes
33. Toeganklikheid vir brandbestrydingstoerusting en brandinstallasies
34. Versperring van leë geboue

Deel B : Brandbestrydingstoerusting

35. Installering en onderhoud van brandbestrydingstoerusting
36. Brandalarms en brandkrane

Deel C : Noodontruimingsplanne

37. Brandweerhoof mag persele aanwys vir noodontruimingsplanne
38. Pligte van eienaar of okkupeerder van aangewysde persele

Deel D : Publieke byeenkomste

39. Verbod op publieke byeenkomste in sekere omstandighede
40. Aansoek vir sertifikaat van geskiktheid
41. Vereistes vir sertifikaat van geskiktheid
42. Vorm en inhoud van sertifikaat van geskiktheid
43. Pligte van houer van sertifikaat van geskiktheid
44. Kansellering van sertifikaat van geskiktheid

Deel E : Watervoorsiening vir brandbestrydingsdoeleindes

45. Dorpsontwikkeling watervoorsieningsvereistes
46. Dorpsontwikkeling brandblusser stroomvereistes
47. Dorpsontwikkeling brandkraan vereistes
48. Brand risiko kategorieë
49. Aansluitings tot waternetwerkstelsel

Deel F : Voorkoming van brandgevaar

50. Sekere vure verbode

51. Stoor en opberging van ontvlambare materiaal verbode
52. Elektriese toebehore, toerusting en toestelle
53. Oopvlamtoestelle
54. Wegdoen van vlambare vloeistof of stof in rirole of dreine
55. Vlambare gas
56. Rookbeperkings en wegdoen van ontvlambare stowwe
57. Brandstroke vereis
58. Veiligheidsvereistes vir informele nedersettingareas

HOOFSTUK 5 : REGULERING VAN VUURWERKE

59. Aanwys van plekke en voorwaardes
60. Afvuur van vuurwerke
61. Handel in vuurwerke
62. Beslaglegging op vuurwerke

HOOFSTUK 6: SERTIFIKAAT VAN REGISTRASIE VIR GEBRUIK, HANTERING EN OPBERGING VAN VLAMBARE STOWWE

63. Gebruik, hantering en opberging van vlambare stowwe verbode in sekere omstandighede
64. Aansoek om sertifikaat van registrasie vir vlambare stowwe
65. Uitreiking van sertifikaat van registrasie
66. Beskikbaarheid van sertifikaat van registrasie by persele
67. Brandbestrydingstoerusting
68. Wysiging van sertifikaat van registrasie
69. Kansellasië van sertifikaat van registrasie
70. Hernuwing van sertifikaat van registrasie
71. Geen magtiging benodig vir sekere motorvoertuig brandstofteknis
72. Rekord van sertifikate van registrasie

HOOFSTUK 7: ALGEMENE BEPALINGS MET BETREKKING TOT GEBRUIK, HANTERING EN OPBERGING VAN VLAMBARE STOWWE

73. Algemene verbodbepalings vir die gebruik, hantering en opberging van vlambare stowwe
74. Gebruik, hantering en stoor van vloeibare petroleumgas
75. Vertoon van simboliese waarskuwingtekens vereis
76. Plig om brande, ongelukke en storting aan te meld

HOOFSTUK 8: VERKLARING VAN BRANDBEHEERSONES EN VOORBRAND SEISOENE

77. Brandbeheersones
78. Voorbrand seisoene

HOOFSTUK 9: OPBERGING VAN VLAMBARE STOWWE

79. Opberging van vlambare stowwe verbode in sekere omstandighede
80. Neem van monsters ten opsigte van vlambare stowwe
81. Simboliese veiligheidstekens moet vertoon word
82. Konstruksie van vlambare stof stoorkamers
83. Vereistes vir stoorkamer deure
84. Vereistes vir stoorkamer vensters
85. Vereistes vir stoorkamer opvangputte
86. Ventilasio van stoorkamers
87. Elektriese toerusting in stoorkamers
88. Skuiminlate benodig vir sekere stoorkamers
89. Rakke in stoorkamer
90. Ongemagtigde gebruik en binnegaan van stoorkamers verbode
91. Meng en oorgieting kamers
92. Tydelike bogrondse opberging van vlambare stowwe
93. Handgereedskap moet intrinsiek veilig wees
94. Permanente bogrondse opbergingstenks vir vlambare vloeistowwe
95. Ondergrondse opbergingstenks vir vlambare vloeistowwe
96. Installering, oprigting, verwydering en afbreek verbode sonder vooraf kennisgewing
97. Herstel en onderhoud van toegang tot opbergingstenks
98. Beëindiging van opberging en gebruik van vlambare stowwe
99. Houer hantering en opberging

HOOFSTUK 10: VERVOER, VOORSIENING EN AFLEWERING VAN GEVAARLIKE GOEDERE

100. Vervoer van gevaarlike goedere verbode sonder permitte
101. Aansoek om vervoer permitte
102. Vereistes van vervoer permitte
103. Kansellasio van vervoer permitte
104. Vrystelling van vervoer permitte
105. Ontwerp, konstruksie, onderhoud en herstel van padtenkvoertuie
106. Ontwerp, konstruksie, onderhoud en herstel van ander voertuie
107. Algemene verbodbealings met betrekking tot vervoer van gevaarlike goedere
108. Voorsiening van gevaarlike goedere verbode in sekere omstandighede
109. Rekords van vervoer permitte

HOOFTUK 11 : SPUITVERF EN SPUITVERF KAMERS

- 110. SPUITKAMERS EN HOKKIES
- 111. SPUITVERF VERBODE SONDER SPUITPERMIT
- 112. AANSOEK OM SPUITPERMIT
- 113. KANSELLERING VAN SPUITPERMIT

HOOFTUK 12 : ALGEMEEN

- 114. HANTERING VAN DIERE TYDENS NOODGEVALLE
- 115. VRYSTELLING VAN BEPALINGS VAN HIERDIE VERORDENING
- 116. GOEDKEURING, MAGTIGING OF TOESTEMMING INGEVOLGE HIERDIE VERORDENING
- 117. KANSELLERING VAN GOEDKEURING, MAGTIGING OF TOESTEMMING
- 118. VERORDENING BIND DIE STAAT
- 119. TEENSTRYDIGHEID MET ANDER WETGEWING
- 120. STRAFBEPALINGS
- 121. HERROEPING VAN VERORDENINGE
- 122. KORT TITEL EN INWERKINGSTREDING

BYLAES

- Bylae 1 : RIGLYNE VIR NOODONTRUIMINGSPLANNE
- Bylae 2 : VRYSTELLING VAN SERTIFIKAAT VAN REGISTRASIE
- Bylae 3 : VRYSTELLING VAN VERVOER PERMIT
- Bylae 4 : SPUITKAMER KONSTRUKSIE

HOOFTUK 1 : WOORDOMSKRYWING EN INTERPRETASIE VAN HIERDIE VERORDENING

1. Woordoms krywing en interpretasie

In hierdie verordening, tensy dit uit die samehang anders blyk, het die volgende woorde die volgende betekenis-

“aangewese gebied” beteken ‘n plek as sodanig aangewys ingevolge artikel 59;

“aangewese perseel” beteken enige perseel as sodanig aangewys en geregistreer deur die munisipaliteit en wat vereis word om ‘n noodontruimingsplan te hê soos beoog in artikel 38 van hierdie verordening;

“**beheerkamer**” beteken ‘n kamer op enige perseel wat toegerus is en gebruik word om ‘n noodgeval in of op ‘n aangewese perseel te koördineer en te beheer;

“**bevoegde persoon**” beteken ‘n persoon wat gekwalifiseer is uit hoofde van sy of haar ondervinding en opleiding;

“**bogronde opbergingsenk**” beteken ’n tenk wat bo die grond geleë is vir die opberging van vlambare vloeistowwe soos beoog in SANS 0131 en SANS 089 Deel 1 en SANS 087 Deel 3;

“**brandbare afval**” beteken brandbare afvalmateriaal wat herwin, behou of versamel kan word as afval of vir herverwerking en kan insluit alle brandbare vesels, hooi, strooi, hare, vere, dons, houtskaafsels, afdraaisels, alle tipes papierprodukte, vuil materiaalafsnysels en -afval, rubberafsnysels en -skuursels, metaalfynggoed en enige mengsel van bogenoemde items, of enige ander herwinbare brandbare afvalmateriaal;

“**brandbare materiaal**” beteken brandbare afval, brandbare vullis of enige ander materiaal wat kan ontbrand;

“**brandbare vloeistof**” beteken ’n vloeistof wat ‘n toe-deksel vlampunt van 38°C of meer het;

“**brandbare vullis**” beteken brandbare vullis, vuilgoed of materiaal wat weggegooi, geweier, verwerp of as waardeloos beskou word;

“**brandbeheersone**” mag insluit enige area of perseel in die nabyheid van areas of persele met hoë brandrisiko of sensitiewe grondgebruik;

“**brandbeskermingsinstallasie**” beteken enige apparaat of stelsel wat ontwerp en geïnstalleer is om –

- (a) ’n brand op te spoor, te bestry of te blus; of
- (b) okkupeerders of die brandweerdienste, of albei, van ’n brand bewus te maak,

maar uitgesonderd draagbare en mobiele brandblussers;

“**brandblusser**” beteken ’n draagbare of mobiele herlaaibare houër wat ’n brandblusstof bevat wat uitspuit deur die werking van interne druk met die doel om ’n brand te blus;

“**brandblusstroom**” beteken die hoeveelheid water wat die munisipaliteit benodig om ’n brand te blus;

“**branddemper**” beteken ’n outomatiese demper, ingesluit sy samestel, wat voldoen aan die vereistes vervat in SABS 193;

“**branddeur**” beteken ’n outomatiese of selfsluitende deur of luiksamenstel wat spesiaal gebou is om die deurgang van vuur vir ’n bepaalde tydperk te voorkom;

“**brandgevaar**” beteken enige situasie, proses, materiaal of toestand wat ’n brand of ontploffing kan veroorsaak of ’n geredelike brandstof toevoer kan

verskaf om die verspreiding of intensiteit van die brand of ontploffing te vergroot en wat 'n bedreiging vir lewe of eiendom inhou;

“**brandinstallasie**” beteken enige waterinstallasie wat water vervoer uitsluitlik vir doeleindes van brandbestryding;

“**brandrisiko kategorie**” beteken die omskrywing van die risiko profiel van enige sub-area binne die gebied van die beherende owerheid soos voorsien in SANS 10090 en sluit in –

Kategorie A : Sentrale sakedistrikte en ekstensiewe kommersiële en industriële gebiede normaalweg gevind in stede en groot dorpe (gebiede waar die risiko van lewe en eiendom moontlik hoog kan wees as gevolg van brandgebeurlikhede en verspreiding).

Kategorie B: Beperkte sentrale sakedistrikte, kleiner kommersiële of industriële gebiede normaalweg geassosieer met klein dorpe en gedesentraliseerde stadsgebiede en groot dorpe (gebiede waar die risiko van lewe en eiendom moontlik matig kan wees as gevolg van brandgebeurlikhede en verspreiding).

Kategorie C: Woongebiede met konvensionele konstruksie.

Kategorie D: Landelike risiko met beperkte geboue en afgesonder van stedelike gebiede.

Kategorie E: Spesiale risiko. Individuele risiko's wat 'n voorafbepaalde bywoning bo en behalwe die predominante risiko kategorie in 'n gebied vereis. Sluit in groot winkel/vermaaklikheidsentrums, informele nedersettings, hawens, hospitale, gevangnisse, groot lughawe geboue, toringgeboue en petrochemiese aanlegte.

Nota : Toringgeboue is 'n integrale deel van sentrale sakedistrikte en sal daarom ingesluit word onder Kategorie A. Geboue met groot brandveiligheid of ander risiko implikasies mag egter as spesiale risiko's geklassifiseer word.

“**brandweerhoof**” beteken die brandweerhoof aangestel deur die munisipaliteit ingevolge artikel 5 van die Wet op Brandweerdienste en sluit in enige persoon aangestel as waarnemende brandweerhoof;

“**brandweertoerusting**” beteken enige draagbare of mobiele brandblusser, slangtol of brandkraan;

“**Burgerlike Lugvaartowerheid**” beteken die Suid-Afrikaanse Burgerlugvaartowerheid ingestel ingevolge artikel 2 van die Wet op Suid-Afrikaanse Burgerlike Lugvaartowerheid, 1998 (Wet No 40 van 1998);

“**diens**” beteken die brandweerdienste ingestel en onderhou deur die munisipaliteit soos beoog in artikel 4;

“**diensinstallasie**” beteken enige outomatiese brandblusinstallasie, brandpompaansluiting, noodkrag of bystandgenerator, brandbespeurder,

opsporings of alarmstelsel, noodbeligting of ontruimingskommunikasieselsel, meganiese ventilasieselsel, drukreguleringselsel, rookventilasieselsel, hystoestel, simboliese veiligheidsteken en rook of branddeurtoestel;

“**dier**” beteken enige dier wat vir huishoudelike, teel, navorsing, landboukundige, herverkoop, veeartseny behandeling of diermaatskaplike doeleindes binne die munisipale gebied aangehou word;

“**distrik**” beteken die jurisdiksie gebied van die Weskus Distriksmunisipaliteit en sluit in die jurisdiksie gebied van die Kategorie B munisipaliteite binne sodanige gebied is;

“**eienaar**” met betrekking tot enige perseel beteken die geregistreerde eienaar en sluit in –

- (a) enige persoon wat huur ontvang of wins maak uit die perseel, hetsy vir eie gewin of as agent;
- (b) ‘n regs persoon ten opsigte van enige deeltitelskema soos bedoel in die wet op deeltitelskemas, 1968;;
- (d) ‘n eksekuteur of kurator van enige bestorwe of insolvente boedel;

“**gebou**” beteken –

- (a) enige struktuur, hetsy van ‘n tydelike of permanente aard en ongeag die materiaal wat by die bou daarvan gebruik is, wat opgerig is of gebruik word vir of in verband met -
 - (i) die akkommodasie of gerief van mense of diere;
 - (ii) die vervaardiging, verwerking, opberging of verkoop van enige goedere;
 - (iii) die lewering van enige diens;
 - (iv) die vernietiging of behandeling van brandbare afval of brandbare vullis;
 - (v) die kweek of verbouing van enige plant of gewas;
- (b) enige muur, swembad, reservoir of brug of enige ander struktuur wat daarmee verband hou;
- (c) enige brandstofpomp of enige tenk wat in verband daarmee gebruik word;
- (d) enige deel van ‘n gebou, insluitende ‘n gebou soos omskryf in paragraaf (a), (b) of (c);
- (e) enige fasiliteite of stelsel, of ‘n deel of ‘n gedeelte daarvan, binne of buite maar gepaardgaande met ‘n gebou, vir die voorsiening van ‘n watertoevoer, dreinerings, riolering, stormwaterwegdoening, elektrisiteitsvoorsiening of ander soortgelyke diens ten opsigte van die gebou;

“**gebruik**” in verband met vuurwerke, beteken afvuur, aansteek of ontsteking;

“**goedgekeur**” beteken soos goedgekeur deur die munisipaliteit;

“**geregistreerde perseel**” beteken enige perseel ten opsigte waarvan ‘n sertifikaat van registrasie uitgereik is;

“**gevaarhoudende stof**” beteken enige gevaarhoudende stof soos in die Wet op Gevaarhoudende Stowwe beoog;

“**gevaarlike goedere**” beteken ‘n vlambare gas, vlambare vloeistof of vaste stof soos in SABS 0228 beoog;

“**grens**” beteken enige laterale of straatgrens van ’n terrein;

“**Groep I, II, III, V, VI, VIII en IX gevaarhoudende stowwe**” beteken Groep I, II, III, V, VI, VIII en IX gevaarhoudende stowwe, na gelang van die geval, soos beoog in die Wet op Gevaarhoudende Stowwe;

“**Grondopmetingswet**” beteken die Grondopmetingswet, 1997 (Wet No 8 van 1997);

“**Grondwet**” beteken die Grondwet van die Republiek van Suid-Afrika, 1996 (Wet 109 van 1996);

“**hierdie verordening**” sluit die bylaes wat kragtens hierdie verordening gepubliseer is in;

“**hoofinspekteur van plofstof**” beteken die hoofinspekteur van plofstof aangestel ingevolge artikel 2 van die Wet op Ontploffbare Stowwe, 1956;

“**Weskus Distriksmunisipaliteit**” beteken die Weskus distriksmunisipaliteit ingestel ingevolge artikel 12 van die Munisipale strukturewet, 1998;

“**Kategorie B munisipaliteit**” beteken ‘n munisipaliteit binne die jurisdiksie gebied van die Weskus Distriksmunisipaliteit soos beoog in artikel 155(1) van die Grondwet;

“**keermuur**” beteken ’n stuitmuur rondom ’n boggrondse opbergingstenk, wat gebou is van ’n ondeurlatende materiaal en ontwerp is om 110% van die inhoud van die tenk te bevat;

“**kelder**” in verband met ‘n gebou, beteken enige deel van die gebou wat onder die vlak van die grondverdieping is;

“**klas**” beteken ‘n klas petroleum produk gebaseer op die volgende klassifikasie–

- (a) Klas O : vloeibare petroleumgas;
- (b) Klas I : vloeistof soos volg onderverdeel –
 - (i) Klas IA : vloeistof wat ‘n toe-deksel vlampunt onder 23°C en ‘n kookpunt van onder 35°C het;
 - (ii) Klas IB : vloeistof wat ‘n toe-deksel vlampunt van onder 23°C en ‘n kookpunt van 38°C of meer het;

- (iii) Klas IC : vloeistof wat 'n toe-deksel vlampunt van 23°C of meer maar onder 38°C het;
- (c) Klas II : vloeistof wat 'n toe-deksel vlampunt van 38°C of meer maar onder 60,5°C het;
- (d) Klas IIIA : vloeistof wat 'n toe-deksel vlampunt van 60,5°C of meer maar onder 93°C het; en
- (e) Klas IIIB : vloeistof wat 'n toe-deksel vlampunt van 93°C of meer het;
- “landbouhoeve”** beteken 'n grondgedeelte wat uitsluitlik of hoofsaaklik vir doeleindes van landbou, tuinbou of vir die teel of aanhou van mak diere, pluimvee of bye gebruik word;
- “lid”** beteken 'n lid van die diens en sluit die brandweerhoof in;
- “munisipale bestuurder”** beteken 'n persoon aangestel ingevolge artikel 82 van die Munisipale Strukturewet of sy genomineerde;
- “Munisipale Strukturewet”** die Wet op Plaaslike Regering: Munisipale Strukture, 1998 (Wet 117 van 1998);
- “munisipaliteit”** beteken die Bergrivier Munisipaliteit, ingestel ingevolge artikel 12 van die Munisipale Strukturewet, 117 van 1998, en sluit in enige politieke struktuur, politieke ampsdraer, raadslid of behoorlik gemagtigde agent of enige werknemer wat ingevolge hierdie verordening handel uit hoofde van 'n bevoegdheid wat by die munisipaliteit berus en gedelegeer of gesubdelegeer is aan sodanige politieke struktuur, politieke ampsdraer, raadslid, agent of werknemer;
- “Nasionale Bouregulasies”** beteken die Wet op Nasionale Bouregulasies en Boustandaarde, 1977 (Wet 103 van 1977) en enige regulasies gemaak ingevolge daardie Wet;
- “Nasionale Padverkeerswet”** beteken die Nasionale Padverkeerswet, 1996 (Wet 93 van 1996) en enige regulasies gemaak ingevolge daardie Wet;
- “noodgeval”** beteken enige insident of gebeurlikheid wat enige persoon of eiendom ernstig in gevaar stel of in gevaar mag stel;
- “noodontruimingsplan”** beteken 'n noodontruimingsplan beoog in artikel 37;
- “noodroete”** beteken daardie deel van enige ontsnaproete wat –
- (a) brandbeskerming bied aan die okkupeerders van enige gebou; en
- (b) na 'n ontsnapdeur lei;
- “okkupeerder”** beteken enige persoon wat enige perseel okkupeer of beheer daarvoor het;
- “omheinde plek”** in verband met huishoudelike diere, beteken enige kraal, hok, kamp of soortgelyke omheining waar huishoudelike diere aangehou of geoefen word;

“**ondergrondse tenk**” beteken enige tenk wat gebruik word of bedoel is om gebruik te word vir die opberging van vlambare vloeistof en wat heeltemal in die grond versink is en onder die oppervlak van die grond is;

“**ontsnapdeur**” beteken enige deur aan die einde van in ’n ontsnaproete en sluit in enige deur wat ingang tot, of uitgang van, ’n gebou verleen;

“**ontsnaproete**” beteken die volledige bewegingsbaan, gemeet vanaf ’n ontsnapdeur na die verste punt in enige vertrek in ’n gebou;

“**opbergingshouer**” beteken ’n drukhouer soos omskryf in die Regulasies vir Drukhouers afgekondig kragtens die Wet op Beroepsgesondheid en Veiligheid;

“**openbare plek**” beteken enige plein, park, ontspanningsgrond, strand, sportgrond, sanitasielaan of oop terrein wat –

- (a) voorsien, gereserveer of opsygesit is vir gebruik deur die publiek of te enige tyd aan die publiek opgedra is;
- (b) deur die publiek sonder onderbreking gebruik is vir ’n periode van ten minste dertig jaar; of
- (c) te enige tyd verklaar of sodanig aangewys is deur die munisipaliteit of ander bevoegde gesag;

“**outomatiese oophou-lostoestel**” beteken ’n toestel wat gebruik word om ’n branddeur oop te hou en die branddeur toemaak wanneer ’n brand bespeur word;

“**perseel**” beteken enige grond, gebou, terrein, pad, konstruksie of deel daarvan en sluit in enge trein, boot, vliegtuig of ander voertuig;

“plantegroei” sluit in gras, onkruid, blare, struik en bome;

“**persoon in beheer**” beteken -

- (a) met betrekking tot ’n perseel, ’n natuurlike of regspersoon wat permanent of tydelik verantwoordelik is vir die bestuur, instandhouding of benutting van die perseel;
- (b) met betrekking tot ’n gebou, ’n natuurlike of regspersoon wat permanent of tydelik verantwoordelik is vir die bestuur, instandhouding of benutting van die gebou;
- (c) met betrekking tot ’n installasie, ’n natuurlike of regspersoon wat permanent of tydelik verantwoordelik is vir die bestuur of benutting van die installasie: met dien verstande dat so ’n persoon nie die persoon in (a) bedoel is nie; en
- (d) indien die brandweerhoof nie in staat is om die identiteit van ’n persoon in (a), (b) en (c) bedoel te bepaal nie, enige persoon wat na die mening van die brandweerhoof geag word in beheer van sodanige perseel, gebou of installasie te wees;

“plofstof” beteken plofstof soos omskryf in artikel 1 van die Wet op Ontplofbare Stowwe, 1956 en enige regulasies gemaak ingevolge daardie Wet;

“publieke byeenkoms” beteken enige byeenkoms van lede van die publiek

–

- (a) om enige toneel- of opera opvoering, orkestrale of musiek voordrag of kinematies-grafiese vertoning te sien; of
- (b) om enige binnenshuise sport aktiwiteit, dans, fisiese aktiwiteit of ander ontspanningsaktiwiteit by te woon, te beoefen of aan deel te neem;
- (c) om enige byeenkoms by te woon of deel te neem in enige aktiwiteit hetsy polities aldan nie, binne of buite ‘n gebou waar ‘n noodontuimingsplan as noodsaaklik beskou word;

“SANS” beteken die Suid-Afrikaanse Nasionale Standaard soos beoog in die Wet op Standaard, 1993 (Wet No 29 van 1993), en SANS gevolg deur enige nommer beteken ‘n verwysing na ‘n SANS praktykkode, spesifikasie of standaard van die ooreenstemmende nommer;

“Staat” beteken -

- (a) enige departement van die staat of administrasie in die nasionale, provinsiale of plaaslike sfeer van regering; of
- (b) enige ander ampsbekleër of instelling wat -
 - (i) ‘n gesag uitoefen of ‘n funksie ingevolge die Grondwet of ‘n provinsiale grondwet verrig; of
 - (ii) ‘n publieke gesag uitoefen of ‘n publieke funksie ingevolge enige wetgewing verrig, sluit nie ‘n hof of regterlike beampte in nie;

“sertifikaat van geskiktheid” beteken ‘n sertifikaat beoog in artikel 40;

“sertifikaat van registrasie” beteken ‘n sertifikaat beoog in artikel 64;

“spuit” beteken om met enige gevaarhoudende stof te spuit, verflaag te gee, oorblaas of epoksieverf en “spuiting” het ‘n ooreenstemmende betekenis”

“spuitpermit” beteken ‘n permit beoog in artikel 111;

“spuitkamer” beteken ‘n kamer beoog in artikel 110;

“straat” beteken enige straat, pad, fietspad, deurgang of enige ander plek, ingesluit –

- (a) enige rand van sodanige pad, straat of deurgang;
- (b) enige voetpad, sygaardjie of soortgelyke voetganger gedeelte van ‘n padreserwe;
- (c) enige brug, pont of drif wat enige sodanige pad, straat of deurgang kruis;
- (d) enige ander voorwerp behorende tot sodanige pad, straat of deurgang wat op enige tydstip –
 - (i) aan die publiek opgedra is;

- (ii) deur die publiek sonder onderbreking gebruik is vir 'n periode van ten minste dertig jaar;
- (iii) verklaar of sodanig aangewys is deur die munisipaliteit of ander bevoegde gesag; of
- (iv) gebou is deur 'n plaaslike owerheid; en
- (v) enige grond, met op sonder geboue of strukture daarop, wat aangetoon word as 'n straat op –
 - (aa) enige onderverdelingsplan of diagram goedgekeur deur die munisipaliteit of ander bevoegde gesag waarop gehandel is; of
 - (bb) enige algemene plan soos omskryf in die Grondopmetingswet, 1977 geregistreer of geliasseer in die akteskantoor of kantoor van die landmeter-generaal, tensy sodanige grond op sodanige plan of diagram omskryf word as 'n private straat;

“**stoorkamer**” beteken 'n kamer vir die opberging van vlambare stowwe soos beoog in artikel 79;

“**stort**” beteken om van enige gevaarhoudende stof afstand te doen of weg te doen deur afsetting, morsing of vrylating daarvan;

“**Strafproseswet**” beteken die Strafproseswet, 1977 (Wet No 51 van 1977);

“**summiere bedwinging**” beteken om 'n toestand onmiddellik te evalueer as 'n brandgevaar of ander dreigende gevaar vir lewe of eiendom en om te gelas dat sodanige toestand onmiddellik reggestel word;

“**toevoerroete**” beteken daardie gedeelte van 'n ontsnaproete wat beweging in twee verskillende rigtings na die toegangsdeure van ten minste twee noodroetes toelaat;

“**vlambare gas**” beteken 'n gas wat by 20 °C en teen 'n standaard druk van 101,3 kilopascal -

- (a) kan ontsteek in 'n mengsel van 13% of minder per volume met lug; o
- (b) 'n vlambare bestek met lug van minstens 12% het, ongeag die laagste vlamperk;

“**vlambare stof**” beteken enige vlambare vloeistof, brandbare vloeistof of vlambare gas;

“**vlambare vaste stof**” soos bedoel in SANS 0228, beteken 'n vaste stof wat maklik aan die brand raak deur eksterne bronne soos vonke en vlamme, vaste stowwe wat brandbaar is, vaste stowwe wat deur wrywing 'n brand kan veroorsaak of daartoe bydra, of vaste stowwe in die vorm natgemaakte ploffstof wat kan ontplof in dien nie behoorlik verdun nie;

“**vlambare vloeistof**” beteken 'n vloeistof of brandbare vloeistof wat 'n toe-deksel vlammpunt van 93°C of minder het;

“**vloeibare petroleumgas**” beteken 'n mengsel van ligte koolwaterstof (oorheersend propaan, butaan) wat gasagtig is onder omstandighede van

omgewingstemperatuur en druk en wat in ‘n staat van vloeistof gehou word deur ‘n verhoging van druk of vermindering van temperatuur;

“**voertuig**” sluit ‘n sleepwa of semi-sleepwa in wat –

- (a) ten minste 4 wiele met onafhanklike asse en suspensiestelsels het; en
- (b) aan ‘n trek-trekker of enige ander voertuig beoog in die Nasionale Padverkeerswet gehaak kan word;

“**voorbrand brandseisoen**” beteken ‘n spesifieke tydsgebonde periode soos bepaal deur die Hoof: Brandweerdienste in samewerking met enige ander party wat ‘n geregistreerde Brandbeskerming Assosiasie, die Departement van Waterwese en Bosbou, Cape Nature of die Weskus Distriksmunisipaliteit mag insluit;

“**voorgeskrewe geld**” beteken gelde bepaal deur die munisipaliteit;

“**voorgeskryf**” beteken soos bepaal deur die munisipaliteit;

“**vuurwerke**” beteken enige ontploftoestel of stof wat brand of ontplof na aansteking, ingesluit klappers, en wat gereguleer word ingevolge die Wet op Ontplobbare Stowwe;

“**vuurwerkvertoning**” beteken die gebruik van vuurwerke vir doeleindes van ‘n publieke vertoning;

“**Wet op Bevordering van Toegang tot Inligting**” beteken die Wet op Bevordering van Toegang tot Inligting, 2000 (Wet No 2 van 2000);

“**Wet op Beroepsgesondheid en Veiligheid**” beteken die Wet op Beroepsgesondheid en Veiligheid, 1993 (Wet No 85 van 1993);

“**Wet op Brandweerdienste**” beteken die Wet op Brandweerdienste, 1987 (Wet No 99 van 1987) en enige regulasies gemaak ingevolge daardie Wet;

“**Wet op die Nasionale Argief van Suid-Afrika**” beteken die Wet op die Nasionale Argief van Suid-Afrika, 1996 (Wet No 43 van 1996);

“**Wet op Gevaarhoudende Stowwe**” beteken die Wet op Gevaarhoudende Stowwe, 1973 (Wet No 15 van 1973) en enige regulasies gemaak ingevolge daardie Wet;

“**Wet op Ontplobbare Stowwe**” beteken die Wet op Ontplobbare Stowwe, 1956 (Wet No 26 van 1956) en enige regulasies gemaak ingevolge daardie Wet;

“**woonhuis**” beteken ‘n enkel wooneenheid geleë op sy eie, ingesluit die motorvoertuig motorhuis en ander huishoudelike buitegeboue op daardie perseel;

HOOFSTUK 2 : DOEL EN TOEPASSING VAN VERORDENING

2. Doel van verordening

Die doel van hierdie verordening is om ‘n diens vir die jurisdiksie gebied van die munisipaliteit in te stel en te onderhou, om die bereiking van ‘n brandveilige omgewing te bevorder tot die voordeel van alle persone binne die jurisdiksie gebied van die munisipaliteit en om prosedures, metodes en praktyke daar te stel om brandveiligheid binne die jurisdiksiegebied van die munisipaliteit te bevorder.

3. Toepassing van verordening

(1) Hierdie verordening is van toepassing op alle persone binne die jurisdiksie gebied van die munisipaliteit en sluit beide formele en informele sektore van die gemeenskap en ekonomie in.

(2) Nieteenstaande die bepalings van die Wet op Gevaarhoudende Stowwe en die Wet op Beroepsgesondheid en Veiligheid, en addisioneel tot enige ander toepaslike nasionale of provinsiale wet, reguleer hierdie verordening vlambare stowwe binne die jurisdiksie gebied van die munisipaliteit ten einde brandgevaar of ander dreigende gevare te voorkom en te verminder.

(3) Die diens mag, ingevolge ‘n ooreenkoms beoog in artikel 12 van die Wet, en die betaling van tariewe ingevolge die munisipaliteit se tariefbeleid of soos beoog in hierdie verordening, aangewend word buite die jurisdiksie gebied van die munisipaliteit.

(4) Indien enige bepaling in hierdie verordening enige mag, funksie of plig van die munisipaliteit in of op ‘n beampte van die munisipaliteit laat berus of oplê en sodanige mag, funksie of plig is ingevolge artikel 81(2) van die Munisipale Stelselwet of enige ander wet opgedra aan ‘n diensverskaffer, moet die verwysing na sodanige beampte gelees word as ‘n verwysing na die diensverskaffer of, waar van toepassing, ‘n beampte en die diensverskaffer deur die munisipaliteit gemagtig.

HOOFSTUK 3 : INSTELLING VAN ‘N BRANDWEERDIENS

4. Instelling en onderhoud van diens

(1) ‘n Diens vir die jurisdiksie gebied van die munisipaliteit word ingestel soos beoog in artikel 3(1) van die Wet, gelees met artikel 156(1)(a) en Deel B van Bylae 4 van die Grondwet.

(2) Die munisipaliteit moet die diens onderhou, wat insluit:

(a) aanstelling van ‘n brandweerhoof en die nodige lede van die diens;

- (b) te verseker dat sodanige hoof en lede behoorlik opgelei word; en
- (c) verkryging en onderhouding van die nodige voertuie, masjinerie, toerusting, apparaat en toebehore ten einde te verseker dat die diens effektief en in staat is om sy oogmerke te verwesenlik.

5. Oogmerke van die Diens

- (1) Die oogmerke van die diens is –
 - (a) om die uitbreek of verspreiding van ‘n vuur te voorkom;
 - (b) om enige vuur wat enige persoon of eiendom in gevaar stel te beveg en te blus;
 - (c) om enige persoon of eiendom teen enige vuur of ander gevaar soos beoog in hierdie verordening te beskerm;
 - (d) om enige persoon of eiendom van enige vuur of ander gevaar soos beoog in hierdie verordening te red; of
 - (e) om enige ander funksie wat verband hou met enige van die aangeleenthede waarna in subartikels (a) tot (d) verwys word, te verrig.
- (2) Die diens mag enige diens wat verband hou met sy oogmerke aan enige ander persoon lewer.
- (3) Enige diens beoog in subartikel (2) mag, in die diskresie van die brandweerhoof, sonder kennisgewing beëindig word indien die munisipaliteit se toerusting of lede betrokke by die lewering van daardie diens benodig word om ‘n noodsituasie, brandgevaar of ander dreigende gevaar te hanteer.

6. Aanmelding van ‘n brandgevaar en ander dreigende gevaar

- (1) ‘n Eienaar of die persoon in beheer van ‘n perseel moet by die ontdekking van enige bewys van ‘n brandgevaar of ander dreigende gevaar soos beoog in hierdie verordening, onmiddellik die diens in kennis stel.
- (2) ‘n Eienaar of die persoon in beheer van ‘n perseel moet alle besonderhede met betrekking tot die insident soos beoog in subartikel (1) aan die diens voorsien soos versoek.
- (3) Enige persoon wat die bepalings van subartikels (1) en (2) oortree begaan ‘n misdryf.

7. Administrasie en afdwinging

- (1) Die brandweerhoof is verantwoordelik vir die administrasie en afdwinging van hierdie verordening.
- (2) Waar geen brandweerhoof aangestel is nie of waar geen waarnemende brandweerhoof deur die munisipale bestuurder aangestel is nie soos beoog in

artikel 9(3), is die munisipale bestuurder verantwoordelik vir die administrasie en afdwinging van hierdie verordening.

8. Delegering

(1) Die brandweerhoof mag enige bevoegdheid wat ingevolge hierdie verordening aan hom verleen is deleger is soos beoog in artikel 19 van die Wet of ooreenkomstig die delegeringstelsel van die munisipaliteit wat ingevolge artikel 59 van die Munisipale Stelselwet ontwikkel is.

(2) 'n Munisipale bestuurder mag enige bevoegdheid wat ingevolge hierdie verordening aan hom verleen is deleger in ooreenstemming met die delegeringstelsel van die munisipaliteit wat ingevolge artikel 59 van die op Munisipale Stelselwet ontwikkel is.

9. Brandweerhoof

(1) Die brandweerhoof het die bevoegdhede soos beoog in artikels 8(1) en 8(2) van die Wet en moet ook –

(a) sodanige algemene bevele, prosedures, reëls en sodanige ander maatreëls maak of implementeer as wat nodig geag word vir die behoorlike administrasie en afdwinging van hierdie verordening; met dien verstande dat die maak of implementering van sodanige algemene bevele, prosedures, reëls en ander sodanige ander maatreëls nie teenstrydig met die bepalings van hierdie verordening of enige ander verordening of beleid van die munisipaliteit is nie.

(b) verseker dat kontaknommers ten opsigte van die diens beskikbaar gemaak word aan die publiek en ander instellings of organisasies;

(c) die munisipale bestuurder in kennis stel van operasionele vereistes vir die strukturering van die diens soos beoog in artikel 5.

(2) Nieteenstaande enigiets tot die teendeel vervat in enige ander wet, het die brandweerhoof die bevoegdheid om die oorsaak, ontstaan en omstandighede van enige brand of ander dreigende gevaar te ondersoek.

(3) Wanneer die brandweerhoof vir enige rede nie in staat is om sy ampspligte te verrig nie, moet die munisipale bestuurder 'n behoorlik gekwalifiseerde lid van die diens as waarnemende brandweerhoof aanstel om die pligte en bevoegdhede van die brandweerhoof te verrig.

10. Instruksies deur lede van diens

(1) Addisioneel tot enige bevoegdhede soos beoog in artikel 8 van die Wet, mag 'n lid enige instruksie aan enige persoon gee ten einde voldoening aan

hierdie verordening of die veiligheid van enige persoon of eiendom te verseker.

(2) 'n Instruksie mag mondelings of skriftelik gegee word en indien die instruksie mondelings gegee word, moet die lid dit skriftelik bevestig en dit by die vroegste geleentheid aan die persoon gee.

(3) 'n Instruksie beoog in subartikel (1) mag insluit, maar is nie beperk tot 'n instruksie –

- (a) vir die onmiddellike ontruiming van enige perseel;
- (b) om enige perseel, of gedeelte daarvan, te sluit of te versper totdat enige oortreding van hierdie verordening reggestel is;
- (c) om enige aktiwiteit te staak;
- (d) om enige onmiddellike bedreiging van die veiligheid van enige persoon of eiendom te verwyder;
- (e) om gespesifiseerde stappe te neem om onmiddellik of binne 'n gespesifiseerde tyd aan hierdie verordening te voldoen; en
- (f) indien dit nie vir die eienaar of persoon in beheer van die betrokke perseel redelik is om die stappe gemeld in subartikel (e) onmiddellik te neem nie, om die brandweerhoof te voorsien van 'n skriftelike beskrywing van die stappe wat geneem gaan word en 'n tydskaal vir die neem van die stappe ten einde voldoening aan hierdie verordening te verseker.

(4) Enige persoon wat subartikel (3) oortree begaan 'n misdryf.

11. Voorgee as lid van diens verbode

(1) Geen persoon mag voorgee om 'n lid te wees nie.

(2) Geen persoon wat nie 'n lid is nie mag enige amptelike kledingstukke, uniform, wapen of kentekens van die diens dra nie.

(3) Enige persoon wat subartikels (1) en (2) oortree begaan 'n misdryf.

12. Sertifikate om lede van diens te identifiseer

(1) Die brandweerhoof moet elke lid van die diens van 'n identifikasie dokument voorsien om daardie persoon as 'n lid van die diens te identifiseer.

(2) 'n Lid moet tydens die verrigting van enige funksie of uitvoering van enige bevoegdheid soos beoog in hierdie verordening –

- (a) die identifikasie dokument voorsien ingevolge subartikel (1) by hom dra; en
- (b) dit op versoek van enige persoon vir inspeksie toon.

13. Dra van uniform en kentekens

(1) Die brandweerhoof en elke lid van die diens moet die uniform, rangmerke en kentekens van die diens dra soos voorgeskryf.

(2) Uniforms, rangmerke en kentekens soos beoog in subartikel (1) moet aan die brandweerhoof en lede van die diens uitgereik word ooreenkomstig die diensvoorwaardes van die munisipaliteit of soos kollektief ooreengekom.

14. Bestuur van diensvoertuie

(1) 'n Lid mag, met die skriftelike toestemming van die brandweerhoof en soos opgedra in die uitvoering van sy of haar pligte, 'n diensvoertuig bestuur indien hy of sy in besit is van 'n geldige bestuurderslisensie vir die kode voertuig betrokke.

(2) 'n Lid wat behoorlik gemagtig is om dit te doen soos beoog in subartikel (1), moet 'n diensvoertuig ooreenkomstig die Nasionale Padverkeerswet, 1996 en enige regulasies daarkragtens gemaak, bestuur.

(3) Enige lid wat versuim om aan die bepalings van hierdie artikel te voldoen is skuldig aan 'n misdryf.

15. Pligte en bevele gedurende noodsituasies

(1) Die brandweerhoof of 'n lid in beheer van 'n noodsituasie, ingesluit een wat ingevolge 'n ooreenkoms optree, moet ten opsigte van elke sodanige noodsituasie verseker dat –

(a) voldoende mannekrag en toepaslike apparaat en toerusting beskikbaar gemaak, ontplooi en sonder vertraging aangewend word;

(b) die noodsituasie onmiddellik by aankoms geëvalueer en addisionele bronne of bystand wat nodig geag word, sonder versuim versoek word;

(c) alle pertinente inligting, ingesluit inligting omtrent plekke en tye en relevante besonderhede, tydens die noodsituasie of so spoedig na die noodsituasie, op rekord gestel word en dat sodanige rekord bewaar word ooreenkomstig die Wet op die Nasionale Argief van Suid-Afrika, 1996 (Wet 43 van 1996) en enige regulasies daarkragtens gemaak.

(2) Enige persoon of liggaam, ingesluit 'n staatsdepartement soos beoog in artikel 17 van die Wet, die Suid-Afrikaansi Polisie diens en die Departement van Justisie, wat enige inligting beoog in subartikel (1)(c) wil inspekteer, moet 'n gemotiveerde skriftelike versoek aan die brandweerhoof voorlê tesame met die voorgeskrewe gelde.

(3) Enige pers of media vrystelling aangaande die diens, noodsituasie of enige aangeleentheid in verband daarmee moet in ooreenstemming wees met die beleidsriglyne bepaal deur die munisipaliteit.

16. Reg van toegang tot geboue en persele en uitreiking van instruksies

(1) Die brandweerhoof of 'n lid van die diens mag in die uitvoering van magte gedelegeer ingevolge hierdie verordening of enige ander wetgewing, enige perseel op enige redelike tyd betree om inspeksies te doen ten einde die bestaan van 'n brandgevaar of voldoening aan enige toepaslike wetgewing met betrekking tot brandveiligheid op persele, vas te stel.

(2) Indien enige brandgevaar of toestand van nie-voldoening beoog in subartikel (1) bestaan, mag sodanige lid 'n skriftelike instruksie op die eienaar of okkupeerder van sodanige perseel beteken en sodanige kennisgewing sal sodanige opdragte of vereistes bevat wat nodig is om die toestand te bedwing, welke instruksie 'n sperdatum vir nakoming moet bepaal.

(3) Wanneer enige toestand wat die brandrisiko mag vermeerder of wat 'n bedreiging vir 'n lewe of eiendom inhou op enige perseel bestaan en sodanige toestand nie onmiddellik reggestel kan word nie, of indien koste aangegaan moet word om sodanige toestand reg te stel, moet die eienaar van die perseel, na ontvangs van enige skriftelike opdrag gemeld in subartikel (2), die brandweerhoof onverwyld skriftelik inlig van die maatreëls wat hy of sy beoog om te neem om die toestand te remedieer en aan die brandweerhoof 'n program en sperdatum voorsien vir goedkeuring.

(4) Die brandweerhoof mag die voorgestelde program en sperdatum met of sonder wysigings goedkeur en mag verdere opdragte gee vir nakoming saam met die voorgestelde of vereiste maatreëls.

(5) Enige persoon wat subartikel (1) oortree begaan 'n misdryf.

17. Inmenging met die Diens

(1) Geen persoon mag met die brandweerhoof, munisipale bestuurder of enige lid in die uitvoering van sy pligte soos beoog in hierdie verordening of die Wet inmeng, verhinder, belemmer of hinder nie.

(2) Enige persoon wat versuim om aan 'n skriftelike opdrag gemeld in hierdie artikel te voldoen is skuldig aan 'n misdryf.

18. Verskaffing van vals inligting

(1) Geen persoon mag wetens enige kennisgewing aan enige lid van die diens gee nie, of enige inligting omtrent die uitbreek van 'n vuur, of enige ander noodsituasie wat die bywoning van die diens vereis, wat vals of onakkuraat is, voorsien nie.

(2) Enige persoon wat subartikel (1) oortree begaan 'n misdryf.

19. Weiering, opskorting of intrekking van 'n goedkeuring of 'n sertifikaat

- (1) Die brandweerhoof mag 'n goedkeuring of 'n sertifikaat wat ingevolge hierdie verordening vereis word weier, opskort of herroep vir:
- (a) versuim om aan die bepalings van hierdie verordening vir die uitreiking van die goedkeuring of sertifikaat te voldoen; of
 - (b) nie-nakoming van die bepalings van die goedkeuring of sertifikaat.

20. Rekords benodig, toegang tot rekords en vrystelling van media verklarings

- (1) Die veilige bewaring van alle tersaaklike rekords en dokumente van toepassing op die diens ooreenkomstig die Wet op die Nasionale Argief van Suid-Afrika is die verantwoordelikheid van die munisipale bestuurder.
- (2) 'n Versoek vir toegang tot 'n rekord wat gehou word vir doeleindes of met betrekking tot die uitoefening van 'n mag of verrigting van 'n funksie aangaande die diens, moet gemaak word ooreenkomstig die bepalings van die Wet op die Bevordering van Toegang tot Inligting.
- (3) Media verklarings aangaande die diens moet soos voorgeskryf ingevolge die kommunikasie-strategie van die munisipaliteit vrystel word.

21. Versuim om aan bepalings te voldoen

- (1) Wanneer die brandweerhoof bevind dat daar nie-nakoming van die bepalings van hierdie verordening is, uitgesonderd die situasie in artikel 16(2), moet 'n skriftelike kennisgewing uitgereik word wat die volgende insluit –
- (a) bevestiging van die bevindings;
 - (b) bepalings van hierdie verordening wat oortree word;
 - (c) die regstellende stappe wat vereis word; en
 - (d) 'n datum vir nakoming.
- (2) 'n Lasgewing of kennisgewing wat ingevolge hierdie verordening uitgereik word, moet beteken word deur persoonlike aflewering of per geregistreerde pos aan 'n persoon wat na die mening van die brandweerhoof geag word die geskikte persoon te wees.
- (3) Vir onbewaakte of verlate persele, moet 'n afskrif van sodanige lasgewing of kennisgewing op 'n opvallende plek by of naby die ingang tot sodanige perseel opgeplak word en moet die lasgewing of kennisgewing per geregistreerde pos ge-pos word na die laaste bekende adres van die eienaar, die persoon in beheer van die perseel, of albei.
- (4) 'n Eienaar of die persoon in beheer van persele wie se regte geaffekteer

word deur enige besluit van die brandweerhoof soos beoog in subartikel (1) mag teen sodanige besluit appèlleer ingevolge artikel 62 van die Munisipale Stelselwet.

22. Betaling vir dienste

(1) Die munisipaliteit mag die tariewe bepaal wat betaalbaar is deur 'n persoon namens wie die munisipaliteit enige diens gelever het soos beoog in hierdie verordening.

(2) Die munisipaliteit mag 'n tarief hef vir die verskaffing van 'n inspeksie, herinspeksie of enige ander diens, ingesluit die goedkeuring of uitreiking van permitte soos beoog in hierdie verordening.

(3) Enige koste aangegaan deur die munisipaliteit vir enige aksie nodig om 'n brandgevaar, ongeluk of ander dreigende gevaar te voorkom sal geag word 'n tarief betaalbaar deur 'n persoon vir die dienste gelever soos beoog in subartikel (1).

(4) Enige koste aangegaan deur die munisipaliteit met betrekking tot die ondersoek of analise van enige monster geneem van enige perseel vir doeleindes van hierdie verordening, en 'n verslag oor sodanige analise deur 'n instelling geakkrediteer deur die brandweerhoof vir daardie perseel, mag van die eienaar of persoon in beheer van die perseel verhaal word indien sodanige eienaar of persoon in beheer nie aan hierdie verordening ten opsigte van die betrokke stof voldoen nie.

23. Gesamentlike Brandweerdienste Komitee

(1) 'n Gesamentlike Brandweerdienste Komitee wat die brandweerdienste in die jurisdiksiegebied van die Weskus Distriksmunisipaliteit en alle Kategorie B Munisipaliteite in die jurisdiksiegebied van sodanige munisipaliteit verteenwoordig, mag ingestel word.

(2) Die Gesamentlike Brandweerdienste Komitee beoog in subartikel (1) moet beraadslaag en skakel vir doeleindes om aanbevelings te maak met betrekking tot–

- (a) die beplanning en koördinerings van die dienste in die distrik;
- (b) die koördinerings en standaardisering van infrastruktuur, voertuie, toerusting en prosedures aangaande die diens;
- (c) die opleiding van lede; en
- (d) enige ander operasionele aangeleenthede aangaande die diens.

(3) Die brandweerhoof van elke munisipaliteit in die distrik mag 'n lid wees van die Gesamentlike Brandweerdienste Komitee.

(4) Die Gesamentlike Brandweerdienste Komitee mag sy vergaderingsprosedure reëls bepaal; met dien verstande dat sodanige prosedures nie

teenstrydig is met algemeen aanvaarde munisipale administratiewe praktyke, hierdie verordening of enige ander wetgewing nie.

HOOFSTUK 4 : BRANDBESKERMING

Deel A : Brandbeskerming vir geboue en persele

24. Algemene bepalings

Die brandweerhoof moet ingevolge artikels 16(3) en 21(1) van hierdie verordening 'n oortreding van die Nasionale Bouregulasies rakende brand en veiligheid van geboue en persele bedwing.

25. Ontwerp en konstruksie van geboue

(1) Onderhewig aan die bepalings van subartikel (3), moet elke eienaar van 'n gebou, uitgesonder 'n woonhuis, verseker dat dit ontwerp en gebou is op 'n wyse wat –

(a) voorsiening maak vir –

(i) die effektiewe dreinerings van enige water wat die gevolg mag wees van aktiwiteite met betrekking tot die blus van vuur; en

(ii) die wegdoen van sodanige water direk in 'n stormwaterdrein;

(b) voorkoming dat enige water wat die gevolg mag wees van aktiwiteite met betrekking tot die blus van vuur dreineer –

(i) af in enige trap of hyserskag;

(ii) af enige elektriese skag of telekommunikasie diensskag;

(iii) af enige skag wat verbind is met 'n kelderverdieping; of

(iv) langs enige toegang tot 'n gebou of voertuig toegangsoprit wat na of van 'n gebou lei;

(c) die wegdoening van sodanige water wat in 'n kelderverdieping gestort sou word as gevolg van aktiwiteite met betrekking tot die blus van vuur, direk in 'n stormwaterdrein; en

(d) voldoening aan die vereistes van SANS 0400 (Dele A, K, M, O, T, V en W) in sover dit betrekking het op brandbeskerming.

(2) Onderhewig aan die bepalings van subartikel (3), moet elke eienaar van 'n gebou wat toegerus is met 'n transformator kamer verseker dat –

(a) die transformator kamer op grondvlak geleë is;

(b) toegang tot die transformator kamer vanaf die buitekant van die gebou is; en

(c) daar voldoende en geredelike toegang tot die transformator kamer is vir brandweer en onderhoud aktiwiteite.

(3) Subartikels (1) en (2) is nie van toepassing op enige gebou wat bestaan tydens die inwerkingtreeding van hierdie verordening nie.

(4) Enige persoon wat subartikels (1) en (2) of Dele A, K, M, O, T, V en W van SANS 0400 in sover dit betrekking het op brandbeskerming oortree, begaan 'n misdryf.

26. Ontwerp en konstruksie van stortingsterreine

Elke persoon wat enige stortingsterrein ontwerp en bou, moet verseker dat dit ontwerp en gebou word in ooreenstemming met die instruksies van –

- (a) die Departement van Waterwese en Bosbou; en
- (b) die munisipaliteit.

27. Ontwerp en konstruksie van ander strukture en persele

(1) Elke persoon wat enige van die volgende strukture ontwerp, bou of oprig, moet verseker dat dit voldoen aan 'n rasonale ontwerp soos beoog deur die Nasionale Bouregulasies -

- (a) enige graan silo;
- (b) enige atrium;
- (c) enige lugverkeer beheertoring;
- (d) enige toring vir telekommunikasie en en ander gebruike;
- (e) enige dekgras struktuur wat groter as 20 vierkante meter is en geleë binne 4,5 meter van enige grenslyn van die betrokke eiendom;
- (f) enige tent of ander tydelike struktuur vir die hou van 'n publieke byeenkoms; en
- (g) enige oopplan kommersiële of industriële perseel met 'n dekkingsafstand wat 45 meter gemeet van enige punt in die perseel tot enige ontsnap- of uitgang deur, oorskry.

(2) Elke persoon wat enige vliegtuigloods of helikopterstrook ontwerp of bou, moet verseker dat dit –

- (a) voldoen aan 'n rasonale ontwerp soos beoog deur die Nasionale Bouregulasies;
- (b) voorsiening maak vir die effektiewe dreinerings van enige vloeistof van die vloer van die loods of helikopterstrook of enige toegang tot die vliegtuigloods of helikopterstrook;
- (c) voorsiening maak vir die effektiewe kanalisering van enige vloeistof van die vloer van die loods of helikopterstrook na 'n dreineringsgebied verbind met 'n skeidingsput;
- (d) die verspreiding van enige vloeistof van die vloer van die loods of helikopterstrook voorkom; en

- (e) toegerus is met effektiewe aardapparate vir die wegdoen van statiese elektrisiteit.
- (3) Enige persoon wat subartikels (1) en (2) oortree begaan 'n misdryf.

28. Vereistes vir sprinkelblusstelsels

- (1) Indien 'n sprinkelblusstelsel in enige gebou vereis word ooreenkomstig SANS 0400, SANS 087 (Deel III) of SANS 089 (Deel I) of indien die brandweerhoof so vereis, moet die eienaar of persoon in beheer van die perseel verseker dat die gebou toegerus is met 'n sprinkelblusstelsel.
- (2) Elke persoon wat 'n sprinkelblusstelsel ontwerp, bou of installeer moet verseker dat dit ontwerp, gebou of geïnstalleer word –
- (a) in ooreenstemming met SANS 0287; en
 - (b) met voldoening aan die vereistes van SANS 0400 (Dele A, K, M, O, T, V en W) insover dit betrekking het op brandbeskerming.
- (3) Enige persoon wat subartikels (1) en (2) oortree begaan 'n misdryf.

29. Vereistes vir uittrekwaaierstelsels

- (1) Elke persoon wat 'n uittrekwaaierstelsel ontwerp, bou of installeer, enige geleidings in verband daarmee of enige soortgelyke skoorsteenstelsel en enige eienaar of persoon in beheer van die gebou waarin sodanige stelsel geïnstalleer word, moet verseker dat –
- (a) dit ontwerp, gebou en geïnstalleer word op 'n wyse wat voorsiening maak vir duidelike afgebakende, voldoende en maklike toegang vir inspeksie, onderhoud en herstelwerk; en
 - (b) die geleiding en uitlaat van enige sodanige stelsel geïnstalleer is op 'n wyse wat nie 'n brandgevaar vir enige persoon of eiendom tot gevolg sal hê nie.
- (2) Elke eienaar of persoon in beheer van 'n gebou waarin 'n uittrekwaaierstelsel, enige verbandhoudende geleidings of enige soortgelyke skoorsteenstelsel geïnstalleer is, moet verseker dat enige filter, demper, skerm of geleiding wat 'n integrale deel van die stelsel vorm gereeld geïnspekteer, skoongemaak en onderhou word ten einde te verseker dat vetterige oorblyfsels of enige ander brandbare oorblyfsels nie akkumuleer nie.
- (3) Enige persoon wat subartikels (1) en (2) oortree begaan 'n misdryf.

30. Vereistes vir nooduitgange

- (1) Elke eienaar van 'n gebou moet verseker dat enige ontsnapdeur in die gebou –

- (a) gemonteer is met skarniere wat in die rigting van ontsnapping oopmaak; en
 - (b) toegerus is met 'n faalvrye sluitingsapparaat of apparaat wat nie 'n sleutel benodig om uit te gaan nie.
- (2) Elke eienaar van 'n gebou moet verseker dat enige deur in 'n toevoerrote–
- (a) 'n dubbel swaai-tipe deur is; en
 - (b) nie toegerus is met enige sluitmeganisme nie;
- (3) Nieteenstaande die bepalinge van subartikel (2), indien dit nodig is dat 'n deur in 'n toevoerrote gesluit word vir veiligheidsredes, moet die eienaar of persoon in beheer van die gebou 'n alternatiewe ontsnapwyse goedgekeur deur die brandweerhoof, voorsien.
- (4) Geen persoon mag enige ontsnaproete van enige perseel belemmer of toelaat dat dit belemmer word sodat dit die ontsnapping van enige persoon of dier van die perseel tydens 'n noodgeval voorkom of hinder nie.
- (5) Waar vereis deur die brandweerhoof moet 'n ontsnaproete duidelik aangedui word met tekeninge wat aan SANS 1186 voldoen, tonende die rigting van ontsnap in die geval van vuur of ander noodgeval.
- (6) Enige persoon wat subartikels (1), (2), (3), (4) of (5) oortree begaan 'n misdryf.

31. Vereistes vir branddeure en toebehore

- (1) Onderworpe aan SANS 1253, moet 'n branddeur en toebehore op so 'n wyse onderhou word dat dit in die geval van 'n brand sy integriteit, insulasie en stabiliteit vir die tydperk vereis vir die besondere klas van deur, behou.
- (2) 'n Branddeur mag oopgehou word slegs wanneer dit toegerus is met 'n outomatiese ontsluiting oop-hou apparaat goedgekeur deur die brandweerhoof.
- (3) 'n Branddeur en toebehore mag nie minder effektief gemaak word deur die volgende aksies nie –
- (a) verandering van die integriteit, insulasie of stabiliteit van 'n besondere klas van deur;
 - (b) diskonnektering van die selfsluitingsmeganisme;
 - (c) vasknelling, blokkering of belemmering van die deur sodat dit nie kan toemaak nie;
 - (d) verf van die sekeringskakel werkmeganisme van 'n deur;
 - (e) diskonnektering of minder effektief making van 'n elektriese of elektroniese losmeganisme; of
 - (f) enige ander aksie wat 'n branddeur of toebehore minder effektief sal maak.

(4) Enige persoon wat subartikels (1), (2) en (3) oortree begaan 'n misdryf.

32. Ontwerp, identifisering en toegang vir brandbestryding en reddingsdoeleindes

(1) Onderworpe aan die vereistes van enige toepaslike soneringskema regulasies of die stigtingsvoorwaardes van enige dorpsgebied, moet elke persoon wat 'n gebou, uitgesonder 'n woonhuis, beplan, ontwerp of bou verseker dat die perseel waarop die gebou geleë is, beplan, ontwerp en gebou word sodat –

- (a) ten minste een aansig van die gebou aan 'n straat front;
- (b) indien die perseel nie aan 'n straat front nie, 'n toegangspad voorsien word met afmetings en drakapasiteit skriftelik goedgekeur deur die brandweerhoof;
- (c) 'n gemotoriseerde of elektronies beheerde hek toegerus is op so 'n wyse dat toegang na die perseel verkry kan word sonder die gebruik van motoriese of enige ander elektroniese toestel of enige ander hulp;
- (d) daar 'n klimaat-proef en weer-proef parkeeroppervlakte vir parkering en bedryf van brandweermasjiene en toerusting in 'n noodgeval is –
 - (i) met afmetings van ten minste 10 meter wyd;
 - (ii) wat die volle lengte van die syaansig van die gebou wat aan die oppervlak grens, behels; en
 - (iii) met 'n drakapasiteit van ten minste 70 metrieke ton; en
 - (iv) enige toegangsgewelf tot die perseel 'n opening voorsien met afmetings van ten minste 4 meter wyd x 4,2 meter hoog, tensy daar 'n alternatiewe en maklike toegangsroete na die perseel is met ten minste dieselfde afmetings.

(2) Vir doeleindes van maklike identifikasie deur enige lid tydens 'n noodgeval, moet elke eenaar of persoon in beheer van die perseel verseker dat die korrekte straatnommer van die perseel –

- (a) duidelik op die straatgrens van die perseel vertoon word in nommers ten minste 75 millimeter hoog;
- (b) sigbaar is van die straat; en
- (c) in 'n leesbare toestand ten alle tye onderhou word.

(4) Enige persoon wat subartikels (1) en (2) oortree begaan 'n misdryf.

33. Toeganklikheid vir brandbestrydingstoerusting en brandinstallasies

- (1) Enige brandbestrydingstoerusting of brandbeskermingsinstallasies geïnstalleer op enige perseel moet ten alle tye vir die diens toeganklik wees.
- (2) Enige persoon wat veroorsaak of toelaat dat enige brandbestrydingstoerusting of brandbeskermingsinstallasies belemmer word of sodanige toeganklikheid of bedryf strem, begaan 'n misdryf.

34. Versperring van leë geboue

- (1) Enige eienaar of persoon in beheer van 'n gebou of gedeelte van 'n gebou wat leeg is, moet tot bevrediging van die brandweerhoof –
 - (a) alle brandbare afval en vullis uit die gebou verwyder; en
 - (b) alle vensters, deure en ander openinge in die gebou blokkeer, versper of andersins beveilig op 'n wyse wat die skepping van enige brandgevaar veroorsaak deur toegang tot die gebou deur enige ongemagtigde persoon, voorkom.
- (2) Enige persoon wat subartikel (1) oortree begaan 'n misdryf.

Deel B : Brandbestrydingstoerusting

35. Installering en onderhoud van brandbestrydingstoerusting

- (1) Elke eienaar van 'n gebou moet verseker dat –
 - (a) alle brandbestrydingstoerusting en diensinstallasies op die perseel geïnstalleer is op 'n wyse en toestand gereed vir gebruik tydens 'n noodsituasie;
 - (b) alle draagbare en mobiele brandblussers en alle waterslangtolle op die perseel gediens en onderhou word ooreenkomstig SANS 0105 en SANS 1475; en
 - (c) alle brandbestrydingstoerusting en diensinstallasies op die perseel word-
 - (i) in 'n goeie werkende toestand deur 'n bevoegde persoon onderhou;
 - (ii) geïnspekteer en gediens ooreenkomstig vervaardigerspesifikasies;
 - (iii) deur 'n toepaslik geregistreerde en bevoegde persoon ten minste elke 12 maande geïnspekteer; en
 - (d) 'n volledige diensrekord van alle brandbestrydingstoerusting en diensinstallasies op die perseel onderhou en elke 12 maande of soos andersins opgedra, aan die brandweerhoof voorsien word.
- (2) Elke persoon wat enige brandbestrydingstoerusting of diensinstallasies inspekteer, diens of herstel moet –

- (a) by voltooiing van die inspeksie, diens of herstelwerk, soos die geval mag wees –
 - (i) skriftelik sertifiseer dat die betrokke toerusting of installasie ten volle funksioneel is; en
 - (ii) sodanige sertifikaat aan die eenaar van die perseel voorsien; of
- (b) indien die toerusting of installasie nie geredelik tot ‘n funksionele toestand herstel kan word nie, die brandweerhoof sonder vertraging skriftelik van sodanige feit in kennis stel.
- (3) Behalwe vir doeleindes van inspeksie, diens, herstel of brandbestryding mag geen persoon enige brandbestrydingstoerusting of diensinstallasie op enige perseel verwyder of mee inmeng nie.
- (4) Geen persoon mag enige brandbestrydingstoerusting of diensinstallasie op enige perseel verander, beskadig, misbruik of oneffektief maak nie.
- (5) Enige persoon wat subartikels (1), (2), (3) en (4) oortree begaan ‘n misdryf.

36. Brandalarms en brandkrane

- (1) Sonder vergoeding aan die eenaar van die perseel betrokke mag die brandweerhoof bewerkstellig dat –
 - (a) ‘n brandalarm;
 - (b) ‘n transmissie instrument vir brand oproepe of ander noodgeval; of
 - (c) ‘n transmissie instrument vir waarskuwing aan inwoners van ‘n brand of ander noodgeval,
 bevestig word aan enige gebou, heining, paal of boom.
- (2) Sonder vergoeding aan die eenaar van die perseel betrokke mag die brandweerhoof bewerkstellig dat die posisie van ‘n brandkraan en brandalarm of enige ander brandbeskerm inligting gemerk word op enige gebou, muur, heining, paal, boom, pad, sypaadjie of kraandeksel met ‘n bord, metaalplaat of gevefde merker of op enige ander wyse, soos voorgeskryf.
- (3) Die brandweerhoof mag te enige tyd bewerkstellig dat ‘n brandalarm, ander transmissie instrument gemeld in subartikel (1), bord, metaalplaat of gevefde merker verwyder word deur die eenaar van die perseel betrokke.
- (4) ‘n Ongemagtigde persoon word verbied om ‘n brandkraan, ander transmissie instrument gemeld in subartikel (1), bord, metaalplaat of gevefde merker te verwyder, skend, verander, peuter of te beskadig.
- (5) Geen persoon mag ‘n brandkraan minder effektief, ondiensbaar of ontoeganklik maak of dit belemmer of daarmee peuter of inmeng nie.
- (6) Enige persoon wat subartikels (1), (2), (3), (4) en (5) oortree begaan ‘n misdryf.

Deel C : Noodontruimingsplanne

37. Brandweerhoof mag persele aanwys vir noodontruimingsplanne

- (1) Die brandweerhoof mag deur skriftelike kennisgewing enige perseel aanwys as perseel wat 'n noodontruimingsplan vereis.
- (2) Die kennisgewing beoog in subartikel (1) moet beteken word op die perseel betrokke en geadresseer wees aan die eienaar of persoon in beheer van die perseel.

38. Pligte van eienaar of okkupeerder van aangewysde persele

- (1) Die eienaar, of met die goedkeuring van die brandweerhoof, die okkupeerder, van enige perseel aangewys ingevolge artikel 37 moet –
 - (a) 'n volledige noodontruimingsplan vir die perseel voorberei ooreenkomstig die riglyn vervat in Bylae 1 en dit in drievoud aan die brandweerhoof voorlê binne 30 dae van betekening van die aanwysingskennisgewing;
 - (b) 'n brandbeskermingskomitee instel bestaande uit bewoners van die perseel om die eienaar of persoon in beheer van die perseel by te staan om 'n brandbeskermingsprogram en gereelde en geskeduleerde brandontruimingsoefeninge te organiseer;
 - (c) verseker dat die noodontruimingsplan hersien word –
 - (i) ten minste elke 12 maande;
 - (ii) wanneer die vloeruitleg van die perseel verander; en
 - (iii) wanneer die brandweerhoof hersiening van die plan vereis.
 - (d) verseker dat 'n opgedateerde noodontruimingsplan, enige brandbeskermingsprogram, brandontruimingsoefeninge en verbandhoudende dokumente gehou, onderhou en te alle tye in 'n beheerkamer op die perseel beskikbaar is vir inspeksie deur enige lid;
 - (e) die noodontruimingsplan op 'n opsigtelike plek binne die perseel vertoon word; en
 - (f) 'n plek van veiligheid buite die aangewese perseel, maar in die onmiddellike omgewing van die perseel, identifiseer waar persone wat op die perseel werk of woon kan byeenkom gedurende 'n noodsituasie vir doeleindes van samestelling van 'n lys van oorlewendes.
- (2) Die brandweerhoof mag ten opsigte van 'n perseel aangewys ingevolge artikel 37 –

- (a) die hersiening van die noodontruimingsplan deur die eienaar of persoon in beheer van die perseel vereis en mag opdragte in hierdie verband gee;
- (b) die eienaar of persoon in beheer van die perseel opdrag gee om 'n brandbeskermingsprogram te implementeer wat na die mening van die brandweerhoof nodig is om die veiligheid van persone en eiendom te verseker; en
- (c) van die eienaar of persoon in beheer van die perseel vereis om die brandweerhoof op 'n gespesifiseerde tyd en plek te voorsien van 'n gesertifiseerde afskrif van die noodontruimingsplan en enige verbandhoudende dokumente.

Deel D : Publieke byeenkomste

39. Verbod op publieke byeenkomste in sekere omstandighede

- (1) Geen persoon mag 'n publieke byeenkoms hou of toelaat dat dit in enige gebou of tydelike struktuur gehou word tensy 'n sertifikaat van geskiktheid deur die brandweerhoof ten opsigte van die gebou of tydelike struktuur uitgereik is nie of tensy 'n sertifikaat van geskiktheid voorheen uitgereik ingevolge hierdie subartikel nog nie verval het nie.
- (2) Subartikel (1) is nie van toepassing ten opsigte van 'n gebou of tydelike struktuur wat ten tye van die inwerkingtreding van hierdie verordening bestaan het nie, tensy na sodanige datum –
 - (a) die gebou of tydelike struktuur herbou, verander, verleng of sy vloeruitleg verander is; of
 - (b) eienaarskap of beheer van die gebou of struktuur verander.
- (3) Enige persoon wat subartikel (1) oortree begaan 'n misdryf.

40. Aansoek vir sertifikaat van geskiktheid

- (1) Elke eienaar van 'n gebou of tydelike struktuur wat beoog word vir die hou van 'n publieke byeenkoms moet 'n aansoekvorm vir 'n sertifikaat van geskiktheid voltooi en aan die brandweerhoof voorlê in die formaat en wyse soos beoog in artikel 42.
- (2) 'n Aansoek beoog in subartikel (1) moet voorgelê word ten minste 30 dae voor enige beoogde publieke byeenkoms.
- (3) Enige persoon wat subartikel (1) oortree begaan 'n misdryf.

41. Vereistes vir sertifikaat van geskiktheid

- (1) Die brandweerhoof mag nie 'n sertifikaat van geskiktheid ten opsigte van 'n gebou of tydelike struktuur uitreik nie –

- (a) tensy die munisipaliteit in besit is van 'n opgedateerde stel bouplanne vir die perseel;
- (b) tensy die gebou of tydelike struktuur aan die vereistes van hierdie verordening voldoen; en
- (c) met 'n geldigheidsperiode wat 12 maande oorskry nie.

42. Vorm en inhoud van sertifikaat van geskiktheid

- (1) 'n Sertifikaat van geskiktheid moet in die voorgeskrewe formaat wees en moet ten minste die volgende inligting, waar toepaslik, bevat –
 - (a) die handelsnaam en straat adres van elke okkupeerder van die gebou of tydelike struktuur;
 - (b) 'n beskrywing van die soort aktiwiteit wat deur elke okkupeerder van die gebou of tydelike struktuur beoefen word;
 - (c) die volle name en adresse van die persone wat in die beheer- of soortgelyke liggaam van elke okkupeerder dien;
 - (d) die maksimum toelaatbare getal persone wat toegang verleen mag word tot die bruikbare vloeroppervlak van die gebou of tydelike struktuur;
 - (e) die aantal nooduitgange en die afmetings daarvan; en
 - (f) die datums van uitreiking en verval van die sertifikaat en sy reeksnommer.
- (1) Nieteenstaande subartikel (1) mag die brandweerhoof addisionele inligting van die aansoeker versoek.

43. Pligte van houer van sertifikaat van geskiktheid

- (1) die houer van 'n sertifikaat van geskiktheid moet –
 - (a) voldoen aan die bepalings van die sertifikaat van geskiktheid;
 - (b) te alle tye –
 - (i) die sertifikaat prominent op die perseel vertoon; en
 - (ii) die sertifikaat in 'n leesbare toestand onderhou;
 - (c) die brandweerhoof onmiddellik skriftelik in kennis stel van enige verandering in die handelsnaam, aktiwiteit of beheer- of soortgelyke liggaam van enige okkupeerder van die gebou of struktuur;
 - (d) enige aansoek vir hernuwing van die sertifikaat van geskiktheid ten minste 30 dae voor sy verval voorlê in die voorgeskrewe formaat en wyse.
- (2) Enige persoon wat subartikel (1) oortree begaan 'n misdryf.

44. Kansellering van sertifikaat van geskiktheid

- (1) Die brandweerhoof mag enige sertifikaat van geskiktheid ten opsigte van persele of tydelike strukture kanselleer indien hy rede het om te glo dat –
- (a) die eienaar of persoon in beheer van die perseel betrokke enige bepaling van hierdie verordening oortree of versuim om daaraan te voldoen; of
 - (b) die gebou of struktuur nie aan die vereistes van hierdie verordening voldoen nie.
- (2) Onderhewig aan subartikel (3), moet die brandweerhoof voordat hy ‘n sertifikaat van geskiktheid kanselleer –
- (a) aan die eienaar of persoon in beheer van die perseel skriftelike kennis gee van die voorneme om die sertifikaat van geskiktheid te kanselleer asook die redes vir sodanige kansellasië;
 - (b) aan die eienaar of persoon in beheer van die perseel ten minste ‘n periode van 21 dae tyd gee om skriftelike vertoë oor die aangeleentheid aan die munisipaliteit in te dien.
- (3) Indien die brandweerhoof rede het om te glo dat versuim om ‘n sertifikaat van geskiktheid te kanselleer enige persoon of eiendom in gevaar mag stel, mag hy ‘n sertifikaat van geskiktheid sonder vooraf skriftelike kennis aan die eienaar of persoon in beheer van die perseel soos beoog in subartikel (2), kanselleer.
- (4) Indien die brandweerhoof ‘n sertifikaat van geskiktheid ingevolge subartikel (3) kanselleer, moet hy –
- (a) die eienaar of persoon in beheer van die perseel of tydelike struktuur betrokke van skriftelike kennis van die kansellasië voorsien;
 - (b) aan die eienaar of persoon in beheer van die perseel ten minste ‘n periode van 21 dae tyd gee om skriftelike vertoë oor die aangeleentheid aan die munisipaliteit te maak.

Deel E : Watervoorsiening vir brandbestrydingsdoeleindes

45. Dorpsontwikkeling watervoorsieningsvereistes

- (1) Elke persoon wat ‘n dorpsgebied ontwikkel of herontwikkel moet daardie dorpsgebied ontwerp en ontwikkel met ‘n voldoende voorsiening van water, minimum brandvloei en brandkraan vereistes soos beoog in artikel 11 van SANS 10090 en moet skriftelike bewys van sodanige nakoming aan die brandweerhoof voorsien.
- (2) Elke persoon wat ‘n dorpsgebied ontwikkel of herontwikkel moet verseker dat –

- (a) die bergingskapasiteit en tempo van aanvulling van die reservoirs wat water aan die dorpsgebied voorsien voldoende is vir die brandbestrydingsdoeleindes beoog in hierdie verordening;
 - (b) die watervoorsiening vanaf hierdie reservoirs op 'n wyse geretikuleer word wat verseker dat die watervoorsiening aan enige gebied in die dorpsgebied van ten minste twee rigtings voorsien kan word; en
 - (c) dubbel hoofvoorsieningsgeleidings geïnstalleer is vanaf die watervoorsieningsbron na die distribusie reservoirs en dubbel pompe geïnstalleer is vir die lewering van die watervoorsiening.
- (3) Subartikel (2)(c) word geag aan voldoen te wees indien –
- (a) die water aan die dorpsgebied voorsien word vanaf meer as een reservoir;
 - (b) elke reservoir water ontvang vanaf 'n aparte hoofvoorsieningsgeleiding en pomp; en
 - (c) die reservoirs met mekaar verbind is.
- (4) Elke persoon wat 'n dorpsgebied ontwikkel of herontwikkel moet verseker dat –
- (a) die water distribusiestelsel ontwerp en toegerus is met kontrolekleppe wat so geïnstalleer is dat dit onnodig is om enige tak of enige deel van die distribusiestelsel af te sluit vir meer as 150 meter in enige hoë risiko gebied of vir meer as 300 meter in enige matige of lae risiko gebied in geval die stelsel, uitgesluit enige van die takke, beskadig is of herstel vereis; en
 - (b) indien die herontwikkeling van enige dorpsgebied die brand risiko kategorie van enige gebied in die dorpsgebied verander soos beoog in artikel 48, die water retikulasiestelsel sonder vertraging aangepas word om te voldoen aan die vereistes van artikels 46 en 47.
- (5) Die brandweerhoof moet brandkrane inspekteer en vloei en druktoetse uitvoer soos beoog in SANS 10090.
- (6) Enige persoon wat subartikels (1), (2), (3) en (4) oortree begaan 'n misdryf.

46. Dorpsontwikkeling brandblusser stroomvereistes

Elke persoon wat 'n dorpsgebied ontwikkel of herontwikkel moet verseker dat die watervoorsiening 'n brandbestrydingstroom voorsien wat onmiddellik vir die munisipaliteit beskikbaar is in 'n noodgeval, van die volgende volume en duur –

Brandrisiko kategorie	Minimum volume van blusstroom (liter per minuut)	Minimum duur van blusstroom (ure)
Hoë risiko	11 500	6
Matige risiko	5 750	4
Lae risiko	2 300	2

47. Dorpsontwikkeling brandkraan vereistes

(1) Elke persoon wat 'n dorpsgebied ontwikkel of herontwikkel moet verseker dat brandkrane op 'n plan aangebring en geïnstalleer word ooreenkomstig die volgende minimum lewering volumes en afstand frekwensies -

Brand risiko kategorie	Minimum brandkraan lewering volume gemeet tydens spitsverbruik (liter per minuut)	Minimum afstand tussen brandkrane (meter)
Hoë risiko	1 980	120
Matige risiko	1 150	180
Lae risiko	900	240

(2) Elke persoon wat 'n dorpsgebied ontwikkel of herontwikkel moet verseker dat die posisie van brandkrane akkuraat op 'n plan aangebring is en dat dit voorsien word aan die brandweerhoof vir operasionele brandbestrydingsdoeleindes.

48. Brandrisiko kategorieë

(1) Vir doeleindes van artikels 46 en 47, moet die volgende gebiede van 'n dorpsgebied geag word –

(a) as 'n hoë risiko –

- (i) enige fabrieksgebied, hoë digtheidsinkopiegebied, pakhuis of kommersiële gebou;
- (ii) enige plantasie, houtwerf of houtgebou;
- (iii) enige gebou hoër as 3 verdiepings;
- (iv) enige gebou waarin gevaarhoudende stowwe gebruik, hanteer of geberg of waarin gevaarhoudende prosesse uitgevoer word; en

- (v) enige ander gebied wat 'n hoë brand risiko of hoë brand verspreidingsrisiko het;
- (b) as matige risiko –
 - (i) enige gebied waarin –
 - (aa) fabrieke, kommersiële geboue of residensiële geboue in die algemeen losstaande van mekaar is en nie 3 verdiepings oorskry nie;
 - (bb) die brandweerhoof nie die materiaal wat in hierdie geboue geprosesseer of geberg word as hoogs gevaarlik verklaar het nie;
 - (ii) enige gebied waar die brand risiko en brand verspreidingsrisiko matig is;
 - (iii) enige ander gebied wat nie 'n hoë of lae risiko gebied is nie; en
- (c) as lae risiko –
 - (i) enige gebied wat hoofsaaklik residensieel of semi-landelik is;
 - (ii) enige gebied wat oorheersend losstaande, duet, groep of meenthuis ontwikkelings het; en
 - (iii) enige gebied waar die brand risiko of brand verspreidingsrisiko gering of onbeduidend is.

49. Aansluitings tot waternetwerkstelsel

- (1) Geen persoon mag 'n wateraansluiting tot die waternetwerkstelsel van die munisipaliteit verkry nie tensy die brandbeskermingsplanne vir die perseel wat aangesluit moet word, deur die brandweerhoof goedgekeur is.
- (2) Elke persoon of eienaar van persele wat 'n wateraansluiting tot die waternetwerkstelsel van die munisipaliteit verlang moet –
 - (a) indien die perseel wat aangesluit moet word beskerm word deur 'n sprinkelstelsel, verseker dat –
 - (i) die aansluiting bereken en ontwerp is vir elke sprinkelstelsel in ooreenstemming met 'n rasonale ontwerp soos beoog in die Nasionale Bouregulasies; en
 - (ii) die grootte, leweringsdruk en vloei van die wateraansluiting vooraf bereken is deur die verantwoordelike ingenieur;
 - (b) 'n groter wateraansluiting voorsien is indien vereis deur die brandweerhoof vir doeleindes van brandbestryding;
 - (c) verseker dat die grootte, werksdruk en leweringsvloei, behalwe in die geval van 'n wateraansluiting tot 'n sprinkelstelsel, bereken en ontwerp is ooreenkomstig SANS 0400 (Deel W); en
 - (d) verseker dat die wateraansluiting by voltooiing aan die bepalings van SANS 1 : 1994 voldoen.

- (3) Enige persoon wat subartikel (1) oortree begaan 'n misdryf.

Deel F : Voorkoming van brandgevaar

50. Sekere vure verbode

- (1) Geen persoon mag 'n vuur maak of 'n ander persoon toelaat om 'n vuur te maak wat enige persoon, dier of eiendom in gevaar mag stel nie.
- (2) Geen persoon mag, of enige ander persoon toelaat om, enige vullis of brandbare materiaal te verbrand nie –
- (a) sonder die vooraf skriftelike toestemming van die brandweerhoof; of
 - (b) tensy die vullis of brandbare materiaal in 'n goedgekeurde verbrandingsapparaat verbrand word.
- (3) Enige persoon wat 'n vuur maak of 'n ander persoon toelaat om 'n vuur te maak, moet redelike stappe neem om te verseker dat die vuur nie enige persoon, dier of eiendom in gevaar stel nie.
- (4) Die verbod in subartikel (2) is nie van toepassing op enige vuur wat gemaak word –
- (a) in 'n goedgekeurde en doelgemaakte stoof, vuurmaakplek of kaggel wat 'n integrale deel van 'n gebou of struktuur vorm nie;
 - (b) vir die doel om voedsel voor te berei op private persele wat vir daardie doel geormerk is; of
 - (c) in enige apparaat vir voorbereiding van voedsel wat –
 - (i) warm gemaak word deur elektrisiteit of vloeibare petroleumgas; en
 - (ii) so geposisioneer is dat die vuur nie enige persoon, dier of eiendom in gevaar stel nie.
- (5) Enige persoon wat subartikels (1), (2), (3) en (4) oortree begaan 'n misdryf.

51. Stoor en opberging van ontvlambare materiaal verbode

- (1) Geen persoon mag enige brandbare materiaal opberg of toelaat dat dit opgeberg word, op enige plek of op so 'n wyse dat dit 'n brandgevaar vir enige persoon, dier of eiendom inhou nie.
- (2) Geen persoon mag toelaat dat stof op enige plek in voldoende hoeveelhede ophoop om 'n brandgevaar vir enige persoon, dier of eiendom in te hou nie.
- (3) Geen persoon mag enige saagstof of soortgelyke brandbare materiaal gebruik of toelaat om gebruik te word om enige brandbare vloeistof te absorbeer nie.

- (4) Geen persoon mag toelaat dat roet of ander brandbare materiaal in enige skoorsteen, rookgaskanaal of –gange in sodanige hoeveelhede ophoop of op enige wyse om ‘n brandgevaar vir enige persoon of eiendom in te hou nie.
- (5) Geen persoon mag toelaat dat enige plantegroei op enige plek onder daardie persoon se beheer oorgroei sodat dit ‘n brandgevaar vir enige persoon, dier of eiendom inhou nie.
- (6) Indien ‘n brandgevaar soos bedoel in subartikel (5) ontstaan, moet die eienaar of persoon in beheer van die perseel sonder versuim die gevaar elimineer of bewerkstellig dat die gevaar geëlimineer word deur –
- (a) enige gras, blare of onkruid geassosieer met die gevaar tot ‘n maksimum hoogte van 150 millimeter sny;
 - (b) enige struik of boom snoei, afkap of afsaag; en
 - (c) enige oorsakende brandbare oorblyfsels van die eiendom verwyder.
- (7) Enige persoon wat subartikels (1), (2), (3), (4), (5) en (6) oortree begaan ‘n misdryf.

52. Elektriese toebehore, toerusting en toestelle

- (1) Geen persoon mag veroorsaak of toelaat –
- (a) dat enige elektriese kragpunt oorlaai word nie; of
 - (b) enige elektriese toestel of verlengkoord op enige wyse gebruik word wat ‘n brandgevaar vir enige persoon of eiendom inhou nie.
- (2) Enige persoon wat subartikel (1) oortree begaan ‘n misdryf.

53. Oopvlamtoestelle

- (1) Geen persoon mag 'n oopvlamtoestel, ingesluit maar nie daartoe beperk nie, enige kers, lantern of fakkel gebruik of veroorsaak of toelaat dat dit gebruik word op enige wyse wat 'n brandgevaar vir enige persoon of eiendom kan inhou nie.
- (2) Enige persoon wat subartikel (1) oortree begaan ‘n misdryf.

54. Wegdoen van vlambare vloeistof of stof in rirole of dreine

- (1) Geen persoon mag ‘n vlambare vloeistof of vlambare stof wegdoen in, of veroorsaak, toestaan of toelaat dat dit enige afval- of besoedelde water of stormwaterriool of drein, hetsy ondergronds of op die oppervlakte, binnegaan nie.

(2) 'n Persoon wat bewus word van enige ontsnapping, hetsy toevallig of andersins, van enige hoeveelheid vlambare vloeistof of vlambare stof wat moontlik 'n brandgevaar kan inhou vanuit enige perseel of voertuig in enige riool of drein of enige inlaat of drein verbind met met sodanige riool of drein, moet onmiddellik sodanige ontsnapping aan die brandweerhoof rapporteer.

(3) Enige persoon wat subartikels (1) en (2) oortree begaan 'n misdryf.

55. Vlambare gas

(1) Geen persoon mag enige ballon of ander apparaat met vlambare gas vul sonder die skriftelike magtiging van die brandweerhoof nie, en onderworpe aan sodanige voorwaardes soos hy mag vereis nadat ag geneem is van die omstandighede van die spesifieke aangeleentheid.

(2) Enige persoon wat subartikel (1) oortree begaan 'n misdryf.

56. Rookbeperkings en wegdoen van ontvlambare stowwe

(1) Indien toestande bestaan waar rook 'n brandgevaar op enige perseel mag veroorsaak, moet rook verbied word en "Rook Verbode"-tekens wat aan SANS 1186: Deel 1 voldoen prominent vertoon word soos gelas deur die beheerowerheid.

(2) 'n Persoon mag nie 'n "Rook Verbode"-teken verwyder of beskadig nie.

(3) Geen persoon mag 'n sigaret of enige ander rookmateriale aansteek of rook nie, of andersins ander materiaal aansteek of aan die brand steek nie, of andersins enige aangesteekte of smeulende stof vashou of weggooi op enige plek waar dit uitdruklik verbode is.

(4) Die eienaar of persoon in beheer van enige perseel mag nie toelaat of toestaan dat enige persoon 'n sigaret of enige ander rookmateriale aansteek of rook nie, of andersins ander materiaal aansteek of aan die brand steek nie, of andersins enige aangesteekte of smeulende stof vashou of weggooi op enige plek waar dit uitdruklik verbode is.

(5) Waar rook toegelaat word, moet voldoende voorsiening gemaak word vir die veilige wegdoening van enige rookmateriale en vuurhoutjies.

(6) Geen persoon mag 'n brandende sigaret of enige ander brandende materiale of voorwerpe ingesluit materiale vatbaar vir self-aansteking of vatbaar vir spontane ontbranding, op enige pad, in enige padreserwe of in enige ander openbare plek wegdoen of andersins wegmaak nie.

(7) Waar enige sigaret, rookmateriale of ander brandende materiale, ingesluit materiale vatbaar vir self-aansteking of vatbaar vir spontane ontbranding, weggedoen word vanuit 'n voertuig op 'n pad, in enige

padreserwe of enige ander plek, sal veronderstel word in die afwesigheid van bewys tot die teendeel, dat sodanige aksie deur die bestuurder van sodanige voertuig geneem is.

(8) Enige persoon wat die bepalings van hierdie artikel oortree begaan 'n misdryf.

57. Brandstroke vereis

(1) Onderworpe aan die bepalings van die Nasionale Veld en Bosbrandwet, 1998, Wet 101 van 1998, moet elke eienaar of okkupeerder van 'n landbouhoewe of plaas brandstroke langs elke grens van die landbouhoewe of plaas aanbring, skoonmaak en onderhou.

(2) Indien 'n obstruksie binne die grense van 'n brandstrook voorkom moet die betrokke eienaar of okkupeerder 'n 5 meter wye brandstrook rondom daardie obstruksie skoonmaak en onderhou.

(3) Niemand mag 'n brandstrook skoonmaak of onderhou by wyse van verbranding sonder die skriftelike toestemming van die brandweerhoof nie.

(4) Enige persoon wat van voorneme is om 'n brandstrook by wyse van verbranding skoon te maak of te onderhou moet-

(a) skriftelik by die brandweerhoof toestemming vra en die betrokke eiendom en die beoogde datum en tyd van verbranding vermeld; en

(b) tensy die verbranding deur 'n persoon onderneem word wat deur die munisipaliteit ge-akkrediteer is vir hierdie doel, die brandweerdieners versoek om bystand te verleen by die verbranding.

(5) Enige persoon wat die bepalings van subartikels (1), (2), (3) en (4) oortree, pleeg 'n misdryf.

58. Veiligheidsvereistes vir informele nedersettingsareas

(1) In die geval van die stigting van enige informele nedersetting, ingesluit enige tydelike nedersettingsarea, is die volgende minimum vereistes van toepassing –

(a) 'n veiligheidsafstand van 3 meter tussen strukture moet gehandhaaf word;

(b) die nedersetting moet verdeel word in blokke van nie meer as 20 strukture per blok, met 'n minimum afstand van 6 meter tussen blokke.

HOOFSUK 5 : REGULERING VAN VUURWERKE

59. Aanwys van plekke en voorwaardes

- (1) Die munisipaliteit mag enige openbare plek of straat of enige deel daarvan binne die munisipale gebied aanwys as die enigste plek waar vuurwerke afgevuur mag word.
- (2) Die munisipaliteit mag, by aansoek van die eienaar of wettige okkupeerder van enige private openbare plek soos omskryf in die toepaslike soneringskema regulasies in sy jurisdiksie gebied, sodanige private openbare plek aanwys as 'n plek waar vuurwerke afgevuur mag word.
- (3) Die lys van plekke aangewys ingevolge subartikels (1) en (2) of enige wysiging daarvan moet deur die munisipaliteit ingevolge sy kommunikasie strategie gepubliseer word.
- (4) Die munisipaliteit mag voorwaardes oplê ten opsigte van die datums waarop, periodes of tye en ure wanneer die afvuur van vuurwerke op enige aangewese gebied mag plaasvind en mag verder voorwaardes oplê ten aansien van die wyse van ontbranding.
- (5) 'n Persoon wat versuim om te voldoen aan enige voorwaarde opgelê ingevolge subartikel (4) begaan 'n misdryf.

60. Afvuur van vuurwerke

- (1) Geen persoon mag enige vuurwerke afvuur buite die gebied aangewys deur die munisipaliteit ingevolge artikel 59.
- (2) Enige persoon wat 'n vuurwerke vertoning wil aanbied moet by die brandweerhoof om magtiging aansoek doen deur 'n aansoekvorm in die formaat en wyse bepaal deur die munisipaliteit te voltooi en voor te lê tesame met die voorgeskrewe tarief en 'n sketsplan van die voorgenome plek van die vuurwerke vertoning, ingesluit die afgebakende gebied vir die afvuur en uitval van die vuurwerke.
- (3) Die aansoek, voorgeskrewe gelde en gepaardgaande dokumente moet aan die brandweerhoof voorgelê word ten minste 14 dae voor die datum van die voorgestelde vuurwerke vertoning.

61. Handel in vuurwerke

- (1) Geen persoon mag met vuurwerk handel nie tensy –
 - (a) daardie persoon in besit is van die vereiste vuurwerke lisensie ingevolge die Wet op Ontploffbare Stowwe; en
 - (b) skriftelike magtiging van die brandweerhoof het.

- (2) Enige persoon wat die skriftelike magtiging van die brandweerhoof wil verkry om met vuurwerke te handel soos beoog in subartikel (1) moet -
 - (a) 'n aansoekvorm voltooi in die formaat en wyse bepaal deur die munisipaliteit; en
 - (b) dit aan die brandweerhoof tesame met die voorgeskrewe gelde voorlê ten minste 30 dae voordat die magtiging deur die aansoeker benodig word.
- (3) Die brandweerhoof mag enige magtiging om met vuurwerke te handel kanselleer indien die houer van die magtiging enige bepaling van hierdie verordening oortree.

62. Beslaglegging op vuurwerke

'n Lid van die diens mag enige vuurwerke wat deur hom gevind word in stryd met artikel 60(1) in sy besit neem en sodanige vuurwerke moet mee gehandel word ingevolge die betrokke gedeeltes van die Strafproseswet met betrekking tot beslaglegging en wegdoening.

HOOFSTUK 6 :

SERTIFIKAAT VAN REGISTRASIEVIR GEBRUIK, HANTERING EN OPBERGING VAN VLAMBARE STOWWE

63. Gebruik, hantering en opberging van vlambare stowwe verbode in sekere omstandighede

- (1) Onderhewig aan die bepalings van subartikel (3) mag geen persoon enige vlambare stof op enige perseel gebruik, hanteer of opberg nie of toelaat dat sodanige stof gebruik, hanteer of opberg word tensy sodanige persoon die houer is van 'n sertifikaat van registrasie ten opsigte van vlambare stowwe en die perseel betrokke uitgereik deur die brandweerhoof.
- (2) 'n Sertifikaat van registrasie beoog in subartikel (1) word nie benodig nie indien die vlambare stof betrokke van 'n klas is en nie die hoeveelheid aangedui in Bylae 2 oorskry nie.
- (3) Geen persoon mag enige vlambare stof op enige perseel gebruik, hanteer of opberg nie of toelaat dat sodanige stof gebruik, hanteer of opberg word tensy die vlambare stof –
 - (a) gebruik, hanteer of opberg word op 'n wyse wat verseker dat –
 - (i) geen vlambare stof of enige vlambare stof dampe in aanraking kom met enige bron van aansteking wat mag veroorsaak dat die vlambare stof of dampe ontbrand nie;
 - (ii) in die geval van 'n brand of ander noodgeval, die ontsnapping van enige persoon of dier nie belemmer of gehinder word nie.

- (b) gebruik, hanteer of opgeberg word –
 - (i) in ‘n natuurlik geventileerde vertrek wat die versameling van dampe of gas voorkom;
 - (ii) in ‘n geskikte plek buite wat die veilige wegdoening van dampe of gas verseker; of
 - (c) die vlambare stof opgeberg word in sterk, gasdigte en geëtiketteerde houers.
- (4) Enige persoon wat subartikels (1) en (3) oortree begaan ‘n misdryf.

64. Aansoek om sertifikaat van registrasie vir vlambare stowwe
‘n Aansoek vir ‘n sertifikaat van registrasie beoog in artikel 63(1) moet voltooi en voorgelê word in die formaat en wyse voorgeskryf.

65. Uitreiking van sertifikaat van registrasie

- (1) Indien die brandweerhoof ‘n sertifikaat van registrasie aan enige persoon uitreik, moet hy op die sertifikaat endosseer –
- (a) die klas en hoeveelheid van die vlambare stof waarvoor die perseel geregistreer is;
 - (b) die getal opbergingsstenks of opbergingsfasiliteite op die perseel en hul kapasiteite;
 - (c) die getal vlambare stof stoorkamers op die perseel en hul kapasiteite;
 - (d) die getal vloeibare petroleumgas installasies, soorte van installasies en die gekombineerde kapasiteit van al die silinders wat op die perseel geberg mag word;
 - (e) die getal opbergingsfasiliteite vir enige ander vlambare stof en die volume van elke sodanige fasiliteit;
 - (f) die geldigheidstydperk en vervaldatum van die sertifikaat; en
 - (g) die fisiese adres van die perseel en die naam en posadres van die okkupeerder.
- (2) ‘n Sertifikaat van registrasie –
- (a) is nie oordraagbaar tussen persele nie;
 - (b) mag nie deur die brandweerhoof uitgereik word vir ‘n tydperk wat 12 maande oorskry nie;
 - (c) mag aan die nuwe eienaar van die perseel ten opsigte waarvan dit uitgereik is, oorgedra word slegs indien ‘n aansoek vir sodanige oordrag skriftelik deur die brandweerhoof goedgekeur is.
- (3) ‘n Sertifikaat van registrasie is slegs geldig vir –
- (a) die installasie waarvoor dit uitgereik is;
 - (b) die toestand van die perseel ten tye van uitreiking; en

(c) die hoeveelheid van vlambare stof gemeld in die sertifikaat.

66. Beskikbaarheid van sertifikaat van registrasie by persele

Die houer van 'n sertifikaat van registrasie moet verseker dat die sertifikaat ten alle tye op die perseel betrokke beskikbaar is vir inspeksie deur enige lid.

67. Brandbestrydingstoerusting

(1) Enige persoon wat die houer is van 'n sertifikaat van registrasie of ander magtiging beoog in hierdie verordening moet verseker dat die perseel waarop die magtiging van toepassing is, toegerus is met -

(a) Onderhewig aan die bepalings van subartikel (6), draagbare brandblussers –

(i) soos gespesifiseer is SANS 1567 (koolstofdiksied – soort), SANS 810 (droë chemiese – soort), SANS 1573 (skuim – soort) en SANS 1571 (vervoerbare – soort);

(ii) in sodanige getalle soos wat toepaslik is in elke afdeling van die perseel in ooreenstemming met die SANS kodes van toepassing op die vlambare stof en risiko betrokke;

(b) indien van toepassing, slangtolle soos gespesifiseer in SANS 453 (slangtolle), wat verbind is met 'n watervoorsiening –

(i) soos beoog in SANS 0400(Deel W); en

(ii) wat elke slangtol in staat stel om 'n maksimum vloei van 0,5 liter per sekonde teen 'n minimum werksdruk van 300kPa te handhaaf;

(c) indien van toepassing, brandkrane –

(i) met koppelings soos gespesifiseer in SANS 1128 (Deel II) (brandbestrydingstoerusting – koppelings); en

(ii) in 'n ratio van 1 vir elke `1000 vierkante meter of deel daarvan; en

(d) indien van toepassing, in verhouding tot enige bogrondse fasiliteit, 'n sprinkelblusstelsel of verdunningstelsel wat –

(i) goedgekeur is deur die brandweerhoof; en

(ii) met uitsondering van tydelike opbergingsfasiliteite, geïnstalleer is in 'n posisie aangetoon op die bouplanne van die perseel.

(2) Nieteenstaande die bepalings van subartikel (1), indien die brandweerhoof glo dat daar 'n buitengewone gevaar of risiko is ten opsigte van die perseel betrokke mag hy –

(a) die soort brandblusser wat geïnstalleer moet word spesifiseer;

(b) vereis dat 'n groter getal brandblussers geïnstalleer word; en

- (c) vereis dat 'n brandbespeuring of waarskuwingstelsel geïnstalleer word.
- (3) Die houer van enige sertifikaat van registrasie of ander magtiging beoog in hierdie verordening moet verseker dat alle brandbestrydingstoerusting beoog in subartikel (1) –
 - (a) tot bevrediging van die brandweerhoof geïnspekteer, onderhou en gediens word –
 - (i) deur 'n bevoegde, geregistreerde en toepaslik gekwalifiseerde ambagsman ooreenkomstig SANS 1015 en SANS 1475;
 - (ii) ten minste elke 12 maande;
 - (b) indien geïnstalleer buite die perseel, voldoende beskerm word teen die weer; en
 - (c) prominent geposisioneer is, en indien dit nie moontlik is nie, die posisie van die brandbestrydingstoerusting duidelik aangetoon word deur 'n simboliese veiligheidsteken –
 - (i) in ooreenstemming met die spesifikasies van SANS 1186; en
 - (ii) tot bevrediging van die brandweerhoof.
- (4) Enige persoon wat subartikels (1), (2) en (3) oortree begaan 'n misdryf.

68. Wysiging van sertifikaat van registrasie

- (1) Die brandweerhoof mag op aansoek van die houer enige sertifikaat van registrasie wysig.

69. Kansellasië van sertifikaat van registrasie

- (1) Die bepalings van artikel 44, saamgelees met die nodige wysigings, is van toepassing op enige kansellasië van 'n sertifikaat van registrasie deur die brandweerhoof.

70. Hernuwing van sertifikaat van registrasie

Enige aansoek vir die hernuwing van 'n sertifikaat van registrasie moet aan die brandweerhoof voorgelê word ten minste 30 dae voor die vervaldatum van die sertifikaat.

71. Geen magtiging benodig vir sekere motorvoertuig brandstoftenk

Geen sertifikaat van registrasie beoog in artikel 63(1) of enige ander magtiging beoog in hierdie verordening word vereis ten opsigte van vlambare vloeistowwe in 'n brandstoftenk –

- (a) van enige motorvoertuig; en
- (b) van enige vaste enjin indien die volume van die brandstoftenk nie 1 000 liter oorskry nie.

72. Rekord van sertifikate van registrasie

Die brandweerhoof moet opgedateerde rekords van alle persele ten opsigte waarvan 'n sertifikaat van registrasie uitgereik, gewysig of hernu is, hou.

HOOFSTUK 7 : ALGEMENE BEPALINGS MET BETREKKING TOT DIE GEBRUIK, HANTERING EN BERGING VAN VLAMBARE STOWWE

73. Gebruik, hantering en opberging van vlambare stowwe

- (1) Geen persoon wat 'n vlambare stof gebruik, hanteer of opberg of die gebruik, hantering of opberging daarvan op enige perseel toelaat, mag –
 - (a) enigiets doen of toelaat dat enigiets gedoen word wat 'n brand of ontploffing mag veroorsaak nie;
 - (b) enigiets doen of toelaat dat enigiets gedoen word wat die ontsnapping na veiligheid van enige persoon of dier tydens 'n noodgeval mag belemmer nie.
- (2) Geen persoon mag –
 - (a) enige vlambare stof stort of uitgooi of toelaat dat dit gestort of uitgegooi word in enige boorgat, riool, dreinstelsel of oppervlakwater nie;
 - (b) enige vlambare stof wegdoen of toelaat dat dit weggedoen word van enige perseel op enige wyse anders as deur 'n bevoegde persoon wat behoorlik toegerus en gemagtig is om dit ingevolge hierdie verordening te doen;
 - (c) enige vuur of apparaat wat geskik is om 'n oop vlam te produseer binne 5 meter van enige plek waar 'n vlambare stof opgeberg word, maak of bring of enige ander persoon toelaat om dit te doen nie;
 - (d) enige apparaat in verband met 'n vlambare stof, anders as 'n gassweis- of snyapparaat, wat uitsluitlik gebruik word vir onderhoud van die gebou, in enige keldervlak van 'n gebou gebruik of die gebruik daarvan toelaat nie;
 - (e) terwyl enige persoon, behalwe die bestuurder of enige ander persoon verantwoordelik vir 'n bus beoog in die Nasionale Padverkeerswet, in of op die bus is –
 - (i) die brandstoftenk volmaak of die volmaak daarvan toelaat; of
 - (ii) op die bus enige vlambare stof, behalwe in sy brandstoftenk, vervoer of die vervoer toelaat; en
 - (f) enige vlambare stof aan enige perseel aflewer of voorsien of die aflewering of voorsiening toelaat nie tensy die eienaar of persoon in

beheer van die perseel in besit is van 'n geldige sertifikaat van registrasie.

- (3) Enige persoon wat subartikels (1) en (2) oortree begaan 'n misdryf.

74. Gebruik, hantering en opberging van vloeibare petroleumgas

- (1) Geen persoon mag vloeibare petroleumgas in enige hoeveelheid wat dié aangedui in Bylae 2 oorskry, gebruik, hanteer of opberg nie tensy –
- (a) die persoon in besit is van 'n sertifikaat van registrasie beoog in artikel 63; en
 - (b) die gebruik, hantering en opberging van die vloeibare petroleumgas aan die vereistes van SANS 087, Dele 1, 3, 7 en 10 voldoen.
- (2) Vloeibare petroleumgas mag slegs gebruik, hanteer en opgeberg word binne perseelgrense en met voldoening aan die veiligheidsafstande bepaal in SANS 087, Dele 1, 3, 7 en 10.
- (3) Enige opberging van vloeibare petroleumgassilinders by enige diensstasie vir kleinhandeldoeleindes moet aan SANS 087, Deel 7, voldoen.
- (4) Geen petroleumgassilinder mag by enige openbare uitstalling of demonstrasie sonder die vooraf skriftelike toestemming van die brandweerhoof gebruik, hanteer of opgeberg word nie.
- (5) 'n Aansoek om toestemming beoog in subartikel (4) moet skriftelik gedoen word ten minste 14 dae voor die betrokke gebeurtenis.
- (6) Die brandweerhoof mag enige redelike voorwaardes oplê vir die gebruik, hantering of opberging van vloeibare petroleumgassilinders by enige openbare uitstalling of demonstrasie, ingesluit maar nie daartoe beperk nie, tot die getal silinders, wyse van opberging, veiligheidsafstande en ander veiligheidsvereistes.
- (7) Enige persoon wat enige vloeibare petroleumgassilinder gebruik, hanteer of opberg by enige openbare uitstalling of demonstrasie moet aan enige voorwaarde opgelê ingevolge subartikel (6) voldoen.
- (8) Enige persoon wat subartikels (1), (2), (3), (4), (5), (6) en (7) oortree begaan 'n misdryf.

75. Vertoon van simboliese waarskuwingtekens vereis

- (1) Die eienaar of enige persoon in beheer van enige perseel waar enige vlambare of ontplofbare stof gebruik, hanteer of opgeberg word moet in die geaffekteerde gedeelte van die perseel, simboliese tekens vertoon –
- (a) wat rook en oop vlamme verbied;
 - (b) van 'n grootte en getal bepaal deur die brandweerhoof; en
 - (c) prominent op plekke waar die tekens duidelik waarneembaar is.

- (2) Geen persoon mag enige verbod op 'n simboliese teken vertoon ingevolge subartikel (1) verontagsaam of toelaat dat dit verontagsaam word nie.
- (3) Enige persoon wat subartikels (1) en (2) oortree begaan 'n misdryf.

76. Plig om brande, ongelukke en storting aan te meld

- (1) Indien enige brand, ongeluk of storting van 'n vlambare stof enige skade aan enige persoon, dier, eiendom of die omgewing op enige perseel berokken het, moet die eienaar of okkupeerder van die perseel dit onmiddellik by die brandweerhoof aanmeld.
- (2) Enige persoon wat subartikel (1) oortree begaan 'n misdryf.

**HOOFSTUK 8: VERKLARING VAN BRANDBEHEERSONES EN
VOORBRAND BRANDSEISOENE**

77. Brandbeheersones

- (1) Waar die brandweerhoof van mening is dat 'n brandbeheersone verklaar moet word in 'n gebied of dat 'n brandbeheersone afgeskaf moet word, moet hy of sy na oorlegpleging met die Brandbeskermingsvereniging vir sy jurisdiksie gebied, bewerkstellig dat sodanige voorneme gepubliseer word ingevolge die munisipaliteit se openbare deelname beleid.
- (2) Indien die munisipaliteit van mening is dat enige beswaar of kommentaar ondersoek moet word, mag dit die hou van 'n openbare ondersoek oorweeg.
- (3) Indien die munisipaliteit besluit om 'n openbare ondersoek te hou, moet dit–
 - (a) 'n toepaslik gekwalifiseerde persoon of paneel van persone aanstel om sodanige ondersoek te hou; en
 - (b) die prosedure vir die openbare ondersoek bepaal, wat 'n openbare verhoor mag insluit.
- (4) Die persoon of paneel persone aangestel om sodanige ondersoek te hou moet die ondersoek ooreenkomstig die voorgeskrewe prosedure uitvoer en 'n geskrewe verslag oor die ondersoek aan die portefeulje komitee opstel en redes verskaf vir enige administratiewe aksie wat aanbeveel word.
- (5) Waar prakties, moet die munisipaliteit so spoedig moontlik na voorlegging van die verslag aan die betrokke portefeulje komitee, 'n bondige opsomming van sodanige verslag en die besonderhede en plekke en tye waarop die verslag geïnspekteer en gekopieer mag word, publiseer; en
- (6) Nadat die munisipaliteit enige kommentaar of beswaar ten opsigte van sodanige verklaring of afskaffing in ag geneem het, mag dit 'n

brandbeheersone verklaar of enige sodanige brandbeheersone betrokke afskaf.

(7) Die munisipaliteit moet sodanige sone of gewysigde sone publiseer.

78. Voorbrandseisoene

(1) Die brandweerhoof mag aanbeveel dat voorbrandseisoene verklaar word in welke geval die bepalings van artikel 77(1),(6) and (7) met die nodige aanpassings van krag sal wees.

HOOFTUK 9 : OPBERGING VAN VLAMBARE STOWWE

79. Opberging van vlambare stowwe verbode in sekere omstandighede

(1) Geen persoon mag enige vlambare stof in enige stoorkamer opberg of die opberging toelaat nie tensy –

(a) daardie persoon ‘n sertifikaat van registrasie beoog in artikel 63(1) besit; en

(b) die stoorkamer aan die vereistes van hierdie verordening en enige ander toepaslike wetgewing voldoen.

(2) Enige persoon wat subartikel (1) oortree begaan ‘n misdryf.

80. Neem van monsters ten opsigte van vlambare stowwe

(1) Wanneer ookal ‘n lid enige perseel inspekteer en vermoed dat ‘n vlambare stof gebruik, hanteer of opgeberg word op sodanige perseel sonder ‘n sertifikaat van registrasie of ander magtiging soos beoog in hierdie verordening, moet sodanige lid ‘n monster van sodanige stof neem vir doeleindes van analise of ondersoek.

(2) Enige monster beoog in subartikel (1) moet in die teenwoordigheid van die eienaar of persoon in beheer van die perseel geneem word en moet –

(a) in twee gelyke dele verdeel word;

(b) in soortgelyke houers geseël word; en

(c) sodanige houers moet gemerk word met die volgende inligting –

(i) die adres van die perseel;

(ii) die handelsnaam van die perseel of besigheid;

(iii) die naam en handtekening van die persoon in wie se teenwoordigheid die monster geneem is;

(iv) die datum en tyd waarop die monster geneem is; en

(v) ‘n beskrywing van die ligging op die perseel waar die monster geneem is.

(3) Die brandweerhoof moet binne redelike tyd enige monster geneem soos beoog in subartikel (1) voorlê aan 'n geakkrediteerde instelling vir 'n analise of ondersoek en skriftelike verslag oor die bevindings.

81. Simboliese veiligheidstekens moet vertoon word

(1) Die houer van 'n sertifikaat van registrasie vir 'n stoorkamer wat gebruik word vir enige vlambare stof moet verseker dat –

(a) simboliese veiligheidstekens wat oop vlamme en rook verbied in die stoorkamer vertoon word –

(i) van 'n getal bepaal deur die brandweerhoof;

(ii) van afmetings van ten minste 290 millimeter by 200 millimeter; en

(iii) vervaardig ooreenkomstig SANS 1186;

(b) die groepe van vlambare stowwe en hul ooreenstemmende hoeveelhede wat in die stoorkamer opgeberg mag word aan die buitekant van elke deur na die stoorkamer in rooi letters van ten minste 75 millimeter hoog, teen 'n wit agtergrond, vertoon word.

(2) Enige persoon wat subartikel (1) oortree begaan 'n misdryf.

82. Konstruksie van vlambare stof stoorkamers

(1) Elke stoorkamer moet ontwerp en gebou word ooreenkomstig die volgende kriteria –

(a) die stoorkamer vloer moet van beton wees;

(b) die stoorkamer mure moet van materiaal wees wat 'n brandweerstand het van ten minste 120 minute;

(c) die stoorkamer dak moet bestaan uit –

(i) gewapende beton met 'n brandweerstand van ten minste 120 minute; of

(ii) enige ander nie-brandbare materiaal, indien die stoorkamer –

(aa) nie binne 5 meter vanaf enige aangrensende gebou of die erfrens geleë is nie; of

(bb) grens aan 'n hoër muur met geen opening binne 10 meter bo en 5 meter aan die sykant van die stoorkamer nie.

(2) Enige persoon wat subartikel (1) oortree begaan 'n misdryf.

83. Vereistes vir stoorkamer deure

(1) Elke stoorkamer moet toegerus wees met 'n vuurtempo branddeur wat –

(a) vervaardig en geïnstalleer is ooreenkomstig SANS 1253;

(b) na die buitekant oopmaak;

- (c) toegerus is met 'n slot of slotte goedgekeur deur die brandweerhoof; en
 - (d) ten alle tye geskik is om van die binnekant van die stoorkamer sonder gebruik van 'n sleutel oopgemaak te word.
- (2) 'n Stoorkamer moet toegerus wees met twee of muur branddeure indien die afstand wat van enige deel in daardie stoorkamer na 'n deur gedek moet word 4 meter of meer is, in welke geval die branddeure so ver as prakties moontlik in die omstandighede van mekaar geïnstalleer moet word.
- (3) Branddeure beoog in subartikels (1) en (2) moet indien geïnstalleer in –
- (a) eksterne mure, "B" klas deure wees; en
 - (b) interne mure in verbinding binne 'n gebou, "D" klas deure wees.
- (4) Enige persoon wat subartikels (1), (2) en (3) oortree begaan 'n misdryf.

84. Vereistes vir stoorkamer vensters

- (1) Elke stoorkamer vensterraam moet –
- (a) uit staal bestaan;
 - (b) vensterpanele met afmetings wat nie 450 millimeter x 450 millimeter oorskry nie, hê; en
 - (c) gemonteer wees met draadglas van 'n dikte van nie minder as 8 millimeter nie.
- (2) Geen stoorkamer venster mag geskik wees om oopgemaak te word nie.
- (3) Elke stoorkamer venster moet teen die eksterne muur van 'n gebou gemonteer wees.
- (4) Enige persoon wat subartikels (1), (2) en (3) oortree begaan 'n misdryf.

85. Vereistes vir stoorkamer opvangputte

- (1) Elke stoorkamer moet ontwerp en gebou wees sodat sy vloer ingelaat is onder die vlak van die deurdrumpel om 'n opvangput te vorm –
- (a) met 'n houerkapasiteit wat ten minste gelyk is aan die totale volume van gevaarhoudende stowwe wat geskik is om in die stoorkamer opgeberg te word, plus 10%; en
 - (b) indien vereis deur die brandweerhoof –
 - (i) by die deurdrumpel bedek is met 'n sterk, stabiele, nie-brandbare en suurstofvrye vloerrooster; en
 - (ii) op sy laagste vlak toegerus is met 'n korrosiebestande dreineringsklep vir skoonmaakdoeleindes en produk herwinning.
- (2) Die vloerrooster beoog in subartikel (1) moet 'n paslik geplaasde toegangsluik vir skoonmaakdoeleindes bevat.
- (3) Enige persoon wat subartikels (1) en (2) oortree begaan 'n misdryf.

86. Ventilasië van stoorkamers

- (1) Elke stoorkamer moet ontwerp en gebou wees om te verseker –
 - (a) dat vlambare stof dampe effektief ventileer;
 - (b) dat dampe wat van die stoorkamer in die ope lug vrygestel word nie in aanraking kom met enige bron van aansteking nie.
- (2) Indien die stoorkamer ontwerp en gebou is vir natuurlike ventilasië, moet die eenaar of persoon in beheer van die stoorkamer die stoorkamer ventileer teen ‘n minimum siklus van 30 lugveranderinge per uur deur nie-brandbare lugstene te installeer-
 - (a) wat nie minder as 140 millimeter by 250 millimeter in grootte is nie, met korrosievrye gaasdraad met ‘n minimum diameter opening van 0,5 millimeter;
 - (b) wat in ten minste 3 eksterne mure van die stoorkamer voorsien is; en
 - (c) wat geposisioneer is 100 millimeter bo die vlak van die drumpel en 100 millimeter onder die vlak van die dak en nie meer as 450 millimeter van mekaar.
- (3) Indien die stoorkamer ontwerp en gebou is vir meganiese ventilasië, moet die eenaar of persoon in beheer van die stoorkamer dit toerus met ‘n meganiese ventilasiestelsel –
 - (a) ontwerp en gebou vir daardie doel;
 - (b) met ‘n vloeytempo van 0,5 meter/sekonde deur die stoor;
 - (c) met weerhane bestaande uit statiesvrye materiaal;
 - (d) wat deur ‘n vertikale metaalgeleiding in die ope lug wegdoen –
 - (i) nie geleë binne 5 meter van enige opening in ‘n gebou of erfrens; en
 - (ii) eindig ten minste 1 meter bo die dakhoogte of ten minste 3,6 meter bo grondvlak, wat ookal die grootste is;
 - (e) toegerus met ventilators wat stewig aan die binnemure van die stoorkamer vas is en, in die geval van onderste ventilators, so naby moontlik aan die drumpelvlak;
 - (f) met alle ventilators of lugopeninge in die eksterne muur oorkant die meganiese ventilator geïnstalleer 100 millimeter bo die drumpelvlak om effektiewe kruisventilasië te verseker; en
 - (g) toegerus met geleidingsmateriaal wat –
 - (i) so kort as moontlik in die omstandighede is en nie skerp buigings het nie; en
 - (ii) toegerus is met ‘n branddemper van ten minste 120 minute brandweerstand by enige punt waar die geleidings die stoorkamer verlaat, indien die geleidingsmateriaal ekstern tot die

stoorkamer in verbinding met die res van die gebou geïnstalleer is.

- (4) Enige persoon wat subartikels (1),(2) en (3) oortree begaan 'n misdryf.

87. Elektriese toerusting in stoorkamers

- (1) Die eienaar of persoon in beheer van enige stoorkamer moet verseker dat -
- (a) alle elektriese toestelle, hegmiddels of skakelgerei in die stoorkamer gebruik of geïnstalleer ooreenkomstig SANS 0108 gebruik of geïnstalleer is;
 - (b) geen skakelgerei, verdelingskas, sekering of ander elektriese toerusting, behalwe elektriese toerusting beoog in SANS 0108, geleë is –
 - (i) binne die stoorkamer; of
 - (ii) in enige posisie waar dit in aanraking kan kom met enige vlambare stof dampe wat die stoorkamer verlaat nie;
 - (c) enige metaaldeel, elektriese hegmiddels en apparate in of in verbinding met die stoorkamer behoorlik aan mekaar en aan die grond gegrond is;
 - (d) enige meganiese ventilasiesstelsel skakelaar buite die stoorkamer geleë is;
 - (e) enige meganiese ventilasiesstelsel te alle tye aan is, behalwe wanneer die stelsel herstel of vervang word, in welke geval die stelsel onmiddellik herstel of vervang moet word; en
 - (f) alle elektriese toerusting en hegmiddels, behalwe die meganiese ventilasiesstelsel, afgeskakel is wanneer die stoorkamer onbewaak is.
- (2) Enige elektriese installasie in 'n stoorkamer mag slegs deur 'n elektrisiën wat gekwalifiseer en bevoeg is uit hoofde van sy of haar opleiding en ondervinding, geïnstalleer en gesertifiseer word.
- (3) Die eienaar of persoon in beheer van 'n stoorkamer moet die sertifikaat beoog in subartikel (2) aan die brandweerhoof vir rekorddoeleindes voorsien onmiddellik na installasie beoog in sodanige subartikel.
- (4) Enige persoon wat subartikels (1),(2) en (3) oortree begaan 'n misdryf.

88. Skuiminlate benodig vir sekere stoorkamers

- (1) Die eienaar of persoon 'n beheer van 'n stoorkamer wat gebruik of beoog om gebruik te word vir opberging van meer as 5000 liter vlambare stof moet verseker –

- (a) dat die stoorkamer voorsien is van 'n skuiminlaat bestaande uit 'n 65 mm klitsklare inpasstuk en sagte staalpypwerk wat na die binnekant daarvan lei; en
 - (b) dat die skuiminlaat geïdentifiseer word deur 'n teken in hoofletters van ten minste 100 millimeter hoog wat die woorde "skuiminlaat" vertoon.
- (2) Enige persoon wat subartikel (1) oortree begaan 'n misdryf.

89. Rakke in stoorkamer

- (1) Die eienaar of persoon in beheer van 'n vlambare stof stoorkamer moet verseker dat enige rakke of rakwerk opgerig of geïnstalleer in 'n stoorkamer van nie-brandbare materiaal is.
- (2) Enige persoon wat subartikel (1) oortree begaan 'n misdryf.

90. Ongemagtigde gebruik en binnegaan van stoorkamers verbode

- (1) Geen persoon mag –
- (a) sonder die toestemming van die eienaar of persoon in beheer enige vlambare stoorkamer binnegaan of toelaat dat enige ander persoon dit binnegaan nie;
 - (b) enige stoorkamer gebruik of toelaat dat dit gebruik word vir enige doel anders as vir die gebruik, hantering en opberging van vlambare stowwe;
 - (c) enige persoon toelaat om in 'n stoorkamer te werk nie tensy alle deure van die stoorkamer wyd oop is of die meganiese ventilasiesistelsel aangeskakel is; of
 - (d) plaas of toelaat dat enige obstruksie of hindernis geplaas word in 'n gang van enige stoorkamer of voor enige stoorkamer deur nie.
- (2) Enige persoon wat subartikel (1) oortree begaan 'n misdryf.

91. Meng en oorgieting kamers

- (1) Die eienaar of persoon in beheer van enige perseel waar vlambare stowwe geskei of gemeng word wat die hoeveelhede bepaal in Skedule 3 oorskry, moet verseker dat die stoorkamer waar die skeiding en menging plaasvind, aan alle vereistes van hierdie verordening van toepassing op stoorkamers voldoen.
- (2) Enige persoon wat subartikels (1) oortree begaan 'n misdryf.

92. Tydelike boggrondse opberging van vlambare stowwe

- (1) Enige persoon wat enige vlambare stof op 'n perseel tydelik wil opberg, moet by die brandweerhoof aansoek doen om 'n tydelike sertifikaat van registrasie.
- (2) 'n Tydelike sertifikaat van registrasie mag deur die brandweerhoof uitgereik word –
 - (a) vir 'n periode wat nie 12 maande oorskry nie;
 - (b) indien die vlambare stof betrokke vereis word –
 - (i) ten opsigte van uitgrawingswerk, konstruksiewerk of padkonstruksie indien die volume van die vlambare stof nie 9000 liter oorskry nie;
 - (ii) ten opsigte van klein vlootonderhoud of navorsingsdoeleindes, indien die volume van die vlambare stof nie 4400 liter oorskry nie; en
 - (iii) die aansoek voldoen aan die vereistes van SANS 0131 en hierdie Hoofstuk.
- (3) Elke houer van 'n tydelike sertifikaat van registrasie beoog in subartikel (1) moet verseker dat –
 - (a) 'n opbergingsstenk vir die vlambare stof nie opgerig word binne 3,5 meter van enige erfrens, gebou, uitgraving, pad, rylaan of enige ander vlambare stof of brandbare materiaal;
 - (b) voldoende voorsiening gemaak is vir reënwater wegvloei van keermure of walle;
 - (c) geen bron of potensiële bron van aansteking binne 5 meter van 'n opbergingsstenk bestaan nie;
 - (d) 'n simboliese teken met afmetings van ten minste 300 millimeter by 300 millimeter wat rook en oop vlamme verbied vertoon word op elke kant van 'n tydelike opbergingsstenk; en
 - (e) ten minste twee 9-kilogram droë chemiese brandblussers geïnstalleer is binne 10 meter van 'n tydelike opbergingsstenk en in werkende toestand gehou word.
- (4) Enige persoon wat subartikels (1), (2) en (3) oortree begaan 'n misdryf.

93. Handgereedskap moet intrinsiek veilig wees

- (1) Die eienaar of persoon in beheer van 'n vlambare stof stoorkamer moet verseker dat alle handgereedskap wat in die stoorkamer gebruik word intrinsiek veilig is.
- (2) Enige persoon wat subartikel (1) oortree begaan 'n misdryf.

94. Permanente boggrondse opbergingsstenks vir vlambare vloeistowwe

- (1) Addisioneel tot enige ander vereistes van hierdie Hoofstuk, moet die eienaar of persoon in beheer van 'n bogrondse opbergingstenk vir vlambare vloeistof verseker dat –
 - (a) dit opgerig en geïnstalleer word –
 - (i) ooreenkomstig SANS 0131 en SANS 089, Deel I;
 - (ii) ten minste 3,5 meter van enige erfrens, gebou, uitgraving, pad, rylaan of enige ander vlambare stof, brandbare stof of vlambare materiaal;
 - (b) dat die vlambare vloeistof wat in die tenk geberg word duidelik geïdentifiseer is by wyse van Hazchem plakkers beoog in SANS 0232, Deel I.
- (2) Enige elektriese installasie geassosieer met die opbergingstenk moet voldoen aan SANS 0108 en SANS 089, Deel 2.
- (3) Enige persoon wat subartikels (1) en (2) oortree begaan 'n misdryf.

95. Ondergrondse opbergingstenks vir vlambare vloeistowwe

- (1) Die eienaar of persoon in beheer van enige perseel wat gebruik of beoog om gebruik te word vir die ondergrondse opberging van enige vlambare vloeistof moet verseker dat enige ondergrondse opbergingstenk, pomp, houer of pypwerk opgerig en geïnstalleer word ooreenkomstig SANS 0400, SANS 089, Deel 3 en SANS 0131.
- (2) Enige persoon wat subartikel (1) oortree begaan 'n misdryf.

96. Installering, oprigting, verwydering en afbreek verbode sonder vooraf kennisgewing

- (1) Geen persoon mag ten opsigte van geregistreerde persele, enige afleweringpomp, opbergingstenk, stoorkamer, spuitkamer, gasinstallasie, storingsfasiliteit, brandbeskermingsreling of vloeruitleg oprig, installeer, verwyder, afbreek, verleng of verander nie tensy daardie persoon ten minste 3 werksdae vooraf skriftelike kennis van sodanige voorneme aan die brandweerhoof gegee het in die formaat en wyse soos voorgeskryf.
- (2) Die kennisgewing ingevolge subartikel (1) moet die beoogde begindatum en verwagte voltooiingsdatum van die voorgestelde werk insluit.
- (3) Die bepalinge van subartikel (1) is nie van toepassing nie op –
 - (a) die tydelike verwydering van toerusting vir die doel om nodige herstelwerk te verrig;
 - (b) die nodige vervanging van toerusting of onderdele; en
 - (c) die vervanging van enige opbergingstenk met 'n tenk van dieselfde kapasiteit.
- (4) Enige persoon wat subartikel (1) oortree begaan 'n misdryf.

97. Herstel en onderhoud van toegang tot opbergingstenks

- (1) Geen persoon mag enige opbergingstenk wat op enige tyd 'n vlambare stof bevat het, binnegaan of enige persoon toelaat om dit binne te gaan nie –
- (a) totdat sodanige tenk herbelug en vry van gas en dampe gemaak is soos beoog in SANS 089 (Deel I); of
 - (b) tensy daardie persoon –
 - (i) behoorlike selfondersteunende asemhalingsapparaat dra; en
 - (ii) verbind is aan 'n reddingstou onder beheer van 'n bevoegde en verantwoordelike persoon.
- (2) Enige persoon wat subartikel (1) oortree begaan 'n misdryf.

98. Beëindiging van opberging en gebruik van ontvlambare stowwe

- (1) Wanneer 'n bogrondse of ondergrondse tenkinstallasie, vloeibare petroleumgasinstallasie of geassosieerde pypwerk nie meer benodig word vir die opberging of gebruik van 'n vlambare stof nie, moet die eienaar of persoon in beheer van die perseel waarop die installasie geleë is –
- (a) die brandweerhoof skriftelik binne 7 dae van sodanige opberging- of gebruikstaking in kennis stel;
 - (b) verseker dat die vlambare stof van die installasie verwyder en die perseel veilig gelaat word binne 30 dae van die staking;
 - (c) tensy die brandweerhoof anders bepaal, die installasie en enige geassosieerde pypwerk ingesluit, van die perseel verwyder binne 180 dae van die staking; en
 - (d) tot bevrediging van die brandweerhoof, enige openbare voetpad of rylaan wat deur die verwydering van die installasie veroorsaak is, binne 'n tydperk van 7 dae vanaf voltooiing van die verwydering, herstel.
- (2) Nieteenstaande die bepalings van subartikel (1), indien die verwydering van enige ondergrondse tenkinstallasie vir die opberging van vlambare stof die stabiliteit van die perseel betrokke nadelig sal affekteer, mag die eienaar of persoon in beheer van die installasie met die vooraf skriftelike toestemming van die brandweerhoof, die ondergrondse tenk met vloeibare sementslyk opvul.
- (3) Enige persoon wat subartikel (1) oortree begaan 'n misdryf.

99. Houer hantering en opberging

- (1) Enige vlambare stof houer moet –
- (a) toegehou word wanneer nie in gebruik nie;

- (b) gas- of dampvry verklaar word deur 'n bevoegde persoon voordat enige modifikasie of herstelwerk uitgevoer word;
 - (c) vervaardig en onderhou word in sodanige toestand om redelik veilig te wees van beskadiging en om lekkasie van enige vlambare stof of dampe vanuit die houer te voorkom.
- (2) Elke vlambare vloeistof houer moet geëtiketteer en gemerk wees met woorde en besonderhede wat die vlambare vloeistof in die houer aantoon sowel as enige gevaar geassosieer met die vlambare vloeistof.
 - (3) Geen persoon mag vlambare stof met 'n kapasiteit wat 200 liter oorskry uit 'n houer onttrek nie, tensy die houer toegerus is met 'n voldoende geseëde pomp of kraan.
 - (4) Enige leë vlambare stof houer moet in 'n stoorkamer gestoor word.
 - (5) Nieteenstaande die bepalings van subartikel (4) mag die brandweerhoof toestemming verleen vir die storing van 'n enige leë vlambare stof houer in die oop lug indien geen stoorkamer beskikbaar is nie en hy tevrede is dat –
 - (a) die storingsarea in 'n posisie en van voldoende grootte is sodat 'n brandgevaar of enige ander dreigende gevaar nie veroorsaak sal word nie;
 - (b) die storingsarea goed geventileer en met 'n maasdraad heining omhein is;
 - (c) die heiningondersteunings van staal of versterkte beton is;
 - (d) die hek van die storingsarea na buite oopmaak en dit toegesluit is wanneer nie in gebruik;
 - (e) wanneer die vloeroppervlakte 10m² oorskry, 'n addisionele ontsnappingshek toegerus met 'n skuifgrendel of ander soortgelyke sluitapparaat wat van die binnekant sonder die gebruik van 'n sleutel oopgemaak kan word, geïnstalleer is; en
 - (f) die storingsarea vry is van plantegroei en 'n onbrandbare, stewige en gelyk basis het.
 - (6) Wanneer die hoeveelheid vlambare en brandbare vloeistowwe wat opgeberg word meer is as 100 liter van klas I en/of meer as 200 liter van klas II en IIIA gekombineerd, moet sodanige vlambare en brandbare vloeistowwe in 'n stoorkamer gestoor word.
 - (7) Enige persoon wat subartikels (1), (2), (3), (4) en (6) oortree begaan 'n misdryf.

HOOFSTUK 10 : VERVOER, VOORSIENING EN AFLEWERING VAN GEVAARLIKE GOEDERE

100. Vervoer van gevaarlike goedere verbode sonder permitte

- (1) Die eienaar van 'n voertuig wat gebruik word vir die vervoer van gevaarlike goedere moet –
- (c) in besit wees van 'n geldige vervoer permit uitgereik ingevolge die Nasionale Padverkeerswet; en
 - (d) verseker dat die vervoer permit te alle tye in die voertuig beskikbaar is vir inspeksie.
- (2) Enige persoon wat subartikel (1) oortree begaan 'n misdryf.

101. Aansoek om vervoerpermitte

'n Aansoek om 'n vervoerpermit moet voltooi en aan die brandweerhoof voorgelê word in die vorm en wyse voorgeskryf.

102. Vereistes van vervoer permitte

- (1) 'n Vervoer permit –
- (a) mag nie deur die brandweerhoof vir 'n periode langer as 12 maande uitgereik word nie; en
 - (b) moet –
 - (i) die datum van uitreiking en verval aantoon;
 - (ii) die uitreikingsbeampte identifiseer en sy amptelike handtekening bevat;
 - (iii) 'n reeksnommer bevat;
 - (iv) die groep en hoeveelheid van gevaarlike goedere wat onder die permit vervoer mag word aantoon; en
 - (v) 'n beskrywing van die voertuig betrokke bevat, ingesluit sy registrasienommer.

103. Kansellasië van vervoerpermitte

Die bepalinge van artikel 44, gelees met die nodige veranderinge, is van toepassing op die kansellasië van 'n vervoer permit deur die brandweerhoof.

104. Vrystelling van vervoerpermitte

'n Vervoerpermit beoog in artikel 100 word nie benodig vir die vervoer van gevaarlike goedere van die soort en die hoeveelhede gemeld in Skedule 3 nie.

105. Ontwerp, konstruksie, onderhoud en herstel van padtenkvoertuie

- (1) Elke persoon wat enige padtenkvoertuig vir die vervoer van gevaarlike goedere ontwerp, bou, onderhou of herstel moet –

- (a) voldoen aan die bepalings van SANS 0189, SANS 1398, SANS 0233, SANS 087, Deel 6, SANS 089, Deel 1, SANS 0230 en SANS 1518, na gelang van die geval; en
 - (b) verseker dat die padtenkvoertuig geëtiketteer is op 'n wyse wat voldoen aan die bepalings van SANS 0232 en enige toepaslike wetgewing.
- (2) Enige persoon wat subartikel (1) oortree begaan 'n misdryf.

106. Ontwerp, konstruksie, onderhoud en herstel van ander voertuie

(1) Elke persoon wat enige voertuig, behalwe 'n padtenkvoertuig, vir die vervoer van gevaarlike goedere ontwerp, bou, onderhou of herstel moet verseker dat die voertuig –

- (a) ontwerp en gebou is –
 - (i) om die hoeveelheid en soort gevaarlike goedere waarvoor die voertuig beoog om gebruik te word, veilig te vervoer; en
 - (ii) met ten minste twee onafhanklike asstelsels, elkeen met sy eie suspensiestelsel, uitgesluit enige sleepwa wat deel vorm van 'n geartikuleerde voertuig.
 - (b) toegerus is met –
 - (i) 'n veiligheidsrand of veiligheidsreling –
 - (aa) van ten minste 1 meter hoog wanneer gemeet van die oppervlakte van die bakwerk van die voertuig; en
 - (bb) geskik is om gevaarlike goedere houers te beveilig;
 - (ii) sterk en duursame gordels –
 - (aa) geskik om gevaarlike goedere houers veilig aan die bakwerk van die voertuig vas te maak;
 - (bb) wat ferm aan die bakwerk van die voertuig geanker is; en
 - (cc) wat toegerus is met 'n omkeerbare rattand windas meganisme wat gesluit kan word;
 - (iii) elektriese bedrading wat voldoen aan SANS 314;
 - (iv) ten minste 2 statiesvrye wielblokke;
 - (v) 'n geïsoleerde skakelaar, uitgesluit die vonkskakelaar, geleë naby die battery van die voertuig en in 'n posisie geredelik toeganklik in enige noodgeval; en
 - (vi) 'n vonk-proef en staties vrye tenk wat ontwerp, gebou en toegerus is om enige gevaarlike goedere van skok of aansteking tydens vervoer te beskerm.
- (2) Enige persoon wat subartikel (1) oortree begaan 'n misdryf.

107. Algemene verbodbepalings met betrekking tot vervoer van gevaarlike goedere

- (1) Geen persoon mag enige voertuig gebruik of toelaat om gebruik te word vir die vervoer van gevaarlike goedere nie tensy –
 - (a) die voertuig 'n geldige padwaardigheidsertifikaat het;
 - (b) indien nie vrygestel ingevolge artikel 104, die voertuig toegerus is met ten minste twee 9kg droë chemiese brandblussers –
 - (i) ontwerp en vervaardig ooreenkomstig SANS 810 en onderhou ooreenkomstig SANS 0105 en SANS 1475; en
 - (ii) geposisioneer en geïnstalleer is sodat daar ten minste een brandblusser aan elke kant van die voertuig is wat vinnig en maklik bereikbaar is in geval van 'n brand.
- (2) Geen persoon mag enige voertuig gebruik of toelaat om gebruik te word vir die vervoer van gevaarlike goedere nie tensy die voertuigkajuit, bakwerk, vragspasie, vragtenk, brandstoftenk, onderstel en enjin effektief en permanent gegrond is met mekaar.
- (3) Enige persoon wat subartikels (1) en (2) oortree begaan 'n misdryf.

108. Voorsiening van gevaarlike goedere verbode in sekere omstandighede

- (1) Geen persoon mag enige gevaarlike goedere van 'n soort en in 'n hoeveelheid wat dié gemeld in Bylae 2 oorskry lewer of voorsien of toelaat om gelewer of voorsien te word aan enige perseel wat nie geregistreer is soos beoog in artikel 63(1) nie.
- (2) Geen persoon mag enige gevaarlike goedere lewer of voorsien of toelaat om gelewer of voorsien te word aan enige perseel teenstrydig met enige voorwaardes van 'n sertifikaat van registrasie van toepassing op daardie perseel.
- (3) Geen persoon mag enige houër wat gevaarlike goedere bevat hanteer of hantering toelaat op 'n wyse wat daardie houër mag beskadig nie.
- (4) Elke persoon wat gevaarlike goedere lewer moet verseker dat –
 - (a) 'n 9kg droë chemiese brandblusser te alle tye beskikbaar is tydens die lewering;
 - (b) gedurende enige vervoer van die gevaarlike goedere, die voertuig fisies gegrond is aan die opbergingsfasiliteit waarna die gevaarlike goedere oorgeplaas word;
 - (c) tydens lewering –
 - (i) die leweringvoertuig so geplaas is dat dit maklik en vinnig beweeg kan word in geval van 'n noodgeval;

- (ii) die leweringsvoertuig nie op of oor 'n sypaadjie of 'n pad geparkeer is nie; en
- (iii) geen leweringslang nie op of oor 'n sypaadjie, pad of onderperseel lê nie;
- (d) geen gevaarlike goedere vervoer word na 'n opbergingsfasiliteit wat nie aan die vereistes van Hoofstuk 9 van hierdie verordening en die bepalinge van SANS 0263 voldoen nie;
- (e) enige apparaat verbind met, of gebruik vir, die lewering van die gevaarlike goedere –
 - (i) vir daardie doel ontwerp is; en
 - (ii) in 'n veilige en goeie werkende toestand onderhou is; en
- (f) geen gevaarlike goedere tydens lewering gemors word nie.
- (5) Geen persoon mag enige gevaarlike goedere na enige motorvoertuig, vliegtuig, vaartuig, skip of boot oorplaas of oorplasing toelaat terwyl die kragbron in werking is nie.
- (6) Geen persoon mag enige gevaarlike goedere na enige vliegtuig oorplaas nie tensy die vliegtuig gegrond is aan die oorplasingsapparaat by wyse van 'n grondkabel.
- (7) Enige persoon wat subartikels (1), (2), (3), (4), (5) en (6) oortree begaan 'n misdryf.

109. Rekords van vervoer permitte

Die brandweerhoof moet opgedateerde rekords hou van alle voertuie ten opsigte waarvan 'n vervoer permit uitgereik, gewysig of hernu is.

HOOFSTUK 11 : SPUITVERF EN SPUITKAMERS

110. SPUITKAMERS EN HOKKIES

'n SPUITKAMER, hokkie of gebied aangewys vir die toediening van 'n vlambare vloeistof moet gebou en toegerus wees ooreenkomstig die vereistes in Bylae 4 van hierdie verordening en moet op so 'n wyse bedryf word om aan die Algemene Veiligheidsregulasies uitgevaardig ingevolge die Wet op Beroepsgesondheid en Veiligheid te voldoen.

111. SPUITVERF VERBODE SONDER SPUITPERMIT

- (2) Geen persoon mag enige voertuig, artikel, voorwerp of gebou of deel daarvan met 'n vlambare stof spuit, 'n verflaag gee, oorblaas of epoksieverf nie tensy –
 - (a) daardie persoon in besit is van 'n spuitpermit beoog in artikel 112;

- (b) die spuit, verflaag, oorblaas of epoksieverf na gelang van die geval uitgevoer word in 'n spuitkamer goedgekeur deur die brandweerhoof op 'n perseel geregistreer vir daardie doel.
- (2) Enige persoon wat subartikel (1) oortree begaan 'n misdryf.

112. Aansoek om spuitpermit

Enige persoon wat 'n spuitpermit wil bekom moet 'n aansoekvorm vir sodanige permit in die vorm en wyse soos voorgeskryf voltooi en aan die brandweerhoof voorlê.

113. Kansellering van spuitpermit

Die bepalinge van artikel 44, gelees met die nodige wysigings, is van toepassing op die kansellering van enige spuitpermit deur die brandweerhoof.

HOOFSTUK 12 : ALGEMEEN

114. Hantering van diere tydens noodgevalle

- (1) Die eienaar, okkupeerder of persoon in beheer van enige dierkundige tuin, voerkraal, stal, navorsingsinstituut, veeartseny praktyk of enige plek van veeartseny wetenskaplike studie moet die professionele hantering van enige dier op die perseel betrokke verseker tydens 'n noodgeval.
- (2) Nieteenstaande die bepalinge van subartikel (1), mag die brandweerhoof ten opsigte van enige perseel 'n paslik gekwalifiseerde persoon magtig om enige dier tydens 'n noodgeval te hanteer of uit te sit.
- (3) Die munisipaliteit mag enige koste aangegaan in verband met die professionele hantering of uitsit van enige dier tydens 'n noodgeval van die eienaar of persoon in beheer van die perseel betrokke verhaal.

115. Vrystelling van bepalinge van hierdie verordening

- (4) Enige persoon mag skriftelik by die munisipaliteit aansoek doen om vrystelling van enige bepaling van hierdie verordening, met spesifisering van die redes vir vrystelling in sodanige aansoek.
- (5) Die munisipaliteit mag 'n vrystelling toestaan –
 - (a) in algemeen of in besonder;
 - (b) vir enige periode; en

- (c) onderhewig aan enige voorwaarde wat in alle opsigte dieselfde brandvoorkoming en beskerming wat die volle toepassing van hierdie verordening tot gevolg sou hê, sal verskaf.
- (3) Indien 'n aansoek ingevolge subartikel (2) toegestaan word, moet die munisipaliteit 'n sertifikaat van vrystelling aan die persoon betrokke uitreik, met spesifisering van die omvang en periode van die vrystelling en enige voorwaardes opgelê.
- (4) Die munisipaliteit mag 'n sertifikaat van vrystelling te enige tyd wysig of terugtrek.
- (5) Die houer van 'n sertifikaat van vrystelling moet verseker dat die sertifikaat te alle tye op die perseel betrokke beskikbaar is vir inspeksie deur enige lid.

116. Goedkeuring, magtiging of toestemming ingevolge hierdie verordening

Enige persoon wat 'n goedkeuring, magtiging of toestemming beoog in hierdie verordening verlang ten opsigte waarvan geen aansoek prosedure voorsien is nie, moet vir daardie goedkeuring, magtiging of toestemming aansoek doen –

- (a) deur 'n aansoek in die vorm en wyse bepaal deur die munisipaliteit te voltooi en voor te lê; en
- (b) deur die voorgeskrewe tarief te betaal.

117. Kansellering van goedkeuring, magtiging of toestemming

Die bepaling van artikel 44, gelees met die nodige veranderinge, is van toepassing op enige goedkeuring, magtiging of toestemming beoog in artikel 116.

118. Verordening bind die Staat

Hierdie verordening bind die Staat en enige persoon in die munisipaliteit of die Staat.

119. Teenstrydigheid met ander wetgewing

In die geval van teenstrydigheid tussen enige bepaling van hierdie verordening en Nasionale- en Provinsiale wetgewing, standarde, beleid of riglyne, sal sodanige Nasionale- en Provinsiale wetgewing, standarde, beleid of riglyne voorrang geniet.

120. Strafbepalings

‘n Persoon wat enige bepaling van hierdie verordening oortree of versuim om daaraan te voldoen, pleeg ‘n misdryf en kan by skuldigbevinding –

- (a) ‘n boete of gevangenisstraf opgelê word, of sodanige boete of gevangenisstraf, of beide sodanige boete en sodanige gevangenisstraf; en
- (b) in die geval van ‘n voortgesette misdryf, ‘n bykomende boete of ‘n bykomende tydperk van gevangenisstraf of sodanige bykomende gevangenisstraf sonder die opsie van ‘n boete of beide sodanige bykomende boete en gevangenisstraf vir elke dag waarop sodanige misdryf voortduur; en
- (c) ‘n verdere bedrag gelyk aan enige koste en uitgawes wat die hof bevind deur die munisipaliteit aangegaan is weens sodanige oortreding of versuim.

121. Herroeping van verordeninge

Die bepalinge van enige verordeninge uitgevaardig deur die munisipaliteit of enige van die afgeskafte munisipaliteite nou by die munisipaliteit ingelyf, word hiermee herroep insover dit betrekking het op aangeleenthede waarvoor in hierdie verordening voorsiening gemaak word.

122. Kort titel en inwerkingtreding

Hierdie verordening staan bekend as die Verordening insake Brandveiligheid en tree in werking op die datum van publikasie in die Provinsiale Koerant.

BYLAE 1

RIGLYNE VIR NOODONTRUIMINGSPLANNE

1. Elke noodontruimingsplan beoog in artikel 37 moet ten minste die inligting onder die hoofde hieronder bevat.
 - (1) Noodtelefoonnommers
‘n Lys van alle relevante noodtelefoonnommers.
 - (2) Algemene inligting

- (a) die fisiese adres van die perseel;
 - (b) 'n beskrywing van die aktiwiteite op die perseel;
 - (c) die getal persone teenwoordig op die perseel op enige tyd;
 - (d) 'n aanduiding van enige beheerkamer op die perseel;
 - (e) 'n aanduiding van enige alarmstelsel op die perseel; en
 - (f) die besonderhede en kontakbesonderhede van elke verantwoordelike persoon in die geval van 'n noodgeval.
- (3) Area studie
 'n Area studie wat die volgende aanspreek :
- (a) 'n geskiedenis van noodinsidente op die perseel;
 - (b) enige belangrike of relevante kenmerke of grondeienskappe van die perseel; en
 - (c) enige inligting in verband met aangrensende persele wat relevant mag wees tot ontruiming in 'n noodgeval.
- (4) Sosio-ekonomiese of ander bedreigings
 Enige sosio-ekonomiese of ander bedreigings en hul potensiële impak op die perseel.
- (5) Detail van beskikbare toerusting
 Besonderhede en details aangaande die posisie van die volgende toerusting :
- (a) toerusting in die beheerkamer;
 - (b) brandbestryding en eerstehulptoerusting op die perseel; en
 - (c) enige ander toerusting wat relevant mag wees in 'n noodgeval.
- (6) Die noodspan
 Besonderhede en details aangaande die identiteitsnommers van die noodspan, ingesluit –
- (a) sy bestuur;
 - (b) die kontinuïteitsbeamptes;
 - (c) die brandspanne; en
 - (d) die eerstehulpspanne.
- (7) Pligte van noodspanlede
 Die pligte en verantwoordelikhede van lede van die noodspan.
- (8) Aksieplanne en noodprosedures
 Details van die spesifieke aksieplanne en noodprosedures van toepassing op die perseel.

- (9) Bouplanne en kaarte
Die bouplanne van die perseel en enige relevante topografiese kaart moet by die ontruimingsplan ingesluit wees.
- (10) Noodplanregister
Die plan moet insluit –
- (a) ‘n opgedateerde register van die noodontruimingsplan;
 - (b) ‘n opgedateerde oefeningsregister vir die noodontruimingsplan; en
 - (c) ‘n bomdreigement vraelys.

2. Hersiening van noodontruimingsplanne

- (1) ‘n Noodontruimingsplan moet deur die eienaar of okkupeerder van die perseel betrokke hersien en opdateer word ten minste eenmaal elke jaar en wanneer ookal ‘n lid van die bestuur van die noodspan ophou om by die perseel te werk.
- (2) Wanneer ‘n noodontruimingsplan hersien en opdateer word, moet die eienaar of okkupeerder van die perseel betrokke verseker dat alle ou planne op die perseel of in besit van die bestuur van die noodspan ingeneem en vernietig word ten einde enige verwarring aangaande die geldigheid van die ontruimingsplan te elimineer.

3. Noodontruimingsoefeninge

- (1) ‘n Noodontruimingsplan behoort ten minste tweemaal elke jaar geoefen te word en die deelname van al die persone wat in die gebou betrokke werk of woon behels.
- (2) Die eienaar of persoon in beheer van ‘n gebou behoort alle persone wat in ‘n noodontruimingsoefening betrokke gaan wees ten minste 21 dae kennis van die oefening te gee.

4. Noodontruimingsbewustheid

- (1) Elke persoon wat op ‘n perseel werk of woon moet bewus wees van die noodontruimingsplan vir daardie perseel.

5. Opleiding van persone

- (1) Elke persoon wat op 'n perseel met 'n noodontruimingsplan werk of woon behoort paslik opgelei te wees in –
- (a) eerstehulp of brandbestryding;
 - (b) noodhulp;
 - (c) noodontruimingsprosedures; en
 - (d) noodbestuurstegnieke.

BYLAE 2

VRYSTELLING VAN SERTIFIKAAT VAN REGISTRASIE

'n Sertifikaat van registrasie ingevolge artikel 63 word nie vereis nie indien die vlambare stowwe betrokke van 'n soort is en nie die hoeveelheid hieronder gemeld oorskry nie.

GASSE :		
Klas O	Vloeibare petroleumgas	<p>Woonstel : Totale silinder kapasiteit mag nie 9 kg per woonstel oorskry nie.</p> <p>Huise en kommersiële persele : Totale maksimum 19kg binne en totale maksimum 100kg op perseel.</p> <p>Nywerheidspersele : Maksimum 19kg per 600 m³ bouspasie met totale maksimum 100 kg.</p>
VLAMBARE VLOEISTOWWE EN BRANDBARE VLOEISTOWWE		
Klas I	Vloeistof met 'n toedeksel vlampunt van onder 38°C	Totale maksimum 40 liter

Klas II	Vloeistof met 'n toedeksel vlampunt van 38°C of meer, maar onder 60,5°C	Totale hoeveelheid van Klas II en Klas IIIA gesamentlik mag nie die maksimum hoeveelheid van 210 liter oorskry nie
Klas IIIA	Vloeistof met 'n toedeksel vlampunt van 60,5°C of meer, maar onder 93°C	

BYLAE 3

VRYSTELLING VAN VERVOERPERMIT

'n Vervoerpermit ingevolge artikel 100 word nie vereis vir die vervoer van gevaarlike goedere van die soort en wat nie die hoeveelheid hieronder gemeld oorskry nie.

GROEP	BESKRYWING	HOEVEELHEID
II	GASSE	
	Vlambare gasse	Totale silinder kapasiteit mag nie 50 kilogram oorskry nie
	Nie-vlambare gasse	Totale silinder kapasiteit mag nie 333 kilogram oorskry nie
III	VLAMBARE VLOEISTOWWE	
	Met vlampunt $\leq 18^{\circ}\text{C}$	Totale hoeveelheid mag nie 100 liter oorskry nie
	Met vlampunt $> 18^{\circ}\text{C}$ maar $\leq 23^{\circ}\text{C}$	Totale hoeveelheid mag nie 420 liter oorskry nie
	Met vlampunt $> 23^{\circ}\text{C}$ maar $\leq 61^{\circ}\text{C}$	Totale hoeveelheid mag nie 1 100 liter oorskry nie
	Met vlampunt $> 61^{\circ}\text{C}$ maar \leq	Totale hoeveelheid mag

GROEP	BESKRYWING	HOEVEELHEID
	100°C	nie 1 100 liter oorskry nie
IV	VLAMBARE VASTE STOWWE	
	Vlambare vaste stowwe	Totale hoeveelheid mag nie 250 kilogram oorskry nie
V	OKSIDEERMIDDELS EN ORGANIESE PEROKSIEDE	
	Oksideermiddels	Totale hoeveelheid mag nie 200 kilogram oorskry nie
	Groep II organiese peroksiede in pakkies	Totale hoeveelheid mag nie 200 kilogram oorskry nie
VI	TOKSIES/ BESMETLIKE STOWWE	
	Groep I toksiese stowwe in pakkies	Totale hoeveelheid mag nie 5 kilogram oorskry nie
	Groep II toksiese stowwe in pakkies	Totale hoeveelheid mag nie 50 kilogram oorskry nie
	Groep III toksiese stowwe in pakkies	Totale hoeveelheid mag nie 500 kilogram oorskry nie
VIII	KORROSIE/ BYTMIDDELS	
	Groep I sure in pakkies	Totale hoeveelheid mag nie 50 ogram oorskry nie
	Groep II sure in pakkies	Totale hoeveelheid mag nie 200 gram oorskry nie
	Groep III sure in pakkies	Totale hoeveelheid mag nie 1000 kilogram oorskry nie
	Groep I alkaliese stowwe in pakkies	Totale hoeveelheid mag nie 50 kilogram oorskry nie
	Groep II alkaliese stowwe in	Totale hoeveelheid mag

GROEP	BESKRYWING	HOEVEELHEID
	pakkies	nie 200 kilogram oorskry nie
	Groep III alkaliese stowwe in pakkies	Totale hoeveelheid mag nie 1000 kilogram oorskry nie
IX	VERSKEIE STOWWE	
	Vloeistowwe	Totale hoeveelheid mag nie 210 liter oorskry nie
	Vaste stowwe	Totale hoeveelheid mag nie 210 kilogram oorskry nie

BYLAE 4

SPUITKAMER KONSTRUKSIE

MURE	225mm Baksteen werk
DAK	Versterkte beton
VLOER	Beton of ander ondeurdringbare materiaal
DEURE (A)	Gebou van 50mm hardhout in geheel gedek, ingesluit die randte, met 24 s.w.g. metaal vasgesit met boute van 30mm langs die kante. Die deure moet buitentoe oopmaak en gehang word aan T-skarniere gebout aan die deur.
(B)	Digpassende metaaldeure nie minder as 3mm in dikte, gedra op 'n hoekyster raam en met 'n algehele oorslag of nie minder nie as 50mm.
NOTA :	Waar die vloer area 18 m ² oorskry moet 2 deure voorsien word.
VENSTERS	Metaalrame met geen oopmaak seksies geglasuur met draadgeweefde glas wat nie 460mm x 460mm oorskry nie. Slegs stopverf goedgekeur ingevolge SANS Kode No. 680/59 mag gebruik word en okkupeerder moet bewys daarvan aan die

	Direkteur : Brand en Nooddienste lewer
NOTA :	Die Fabrieksinspekteur vereis natuurlike lig tot die omvang van 20% van die vloer area.
VENTILASIE	30 Lynvormige meter/minute snelheid oor die vertrek moet voorsien word by wyse van meganiese ventilasie, met die middellyn van die inlate 460mm bokant vloervlak en weggedoen deur vertikale metaalgeleidings wat eindig een (1) meter bokant die dakspits. Geen reghoek buigings mag in die geleidingstelsel gebruik word nie. Uitlaatwaaiers moet geïnstalleer word met vier (4) meter middelpunt, of horisontale metaalgeleidings oor die totale lengte van die muur met paslike inlate, moet voorsien word.
NOTA :	Indien die geleiding buite die spuithokkie en in verbinding met die werkswinkel, ens. is, moet dit beskerm word met of 110mm baksteen of 50mm asbessement bekleding.
VENTILASIE INLATE	Die muur oorkant die uitlaatwaaiers moet heuningkoekvormig met lugroosters wees geïnstalleer van 100mm bo vloervlak tot 'n hoogte van nie minder nie as twee (2) meter.
<u>MINIMUM GETAL LUGROOSTERS</u> 40 65 90 150	<u>GROOTTE VAN VERTREK</u> Tot maar nie meer as 140 kubieke meter. Tot maar nie meer as 280 kubieke meter. Tot maar nie meer as 470 kubieke meter. Tot maar nie meer as 650 kubieke meter.
NOTA : Metaalfilters met metaaldonker elemente mag slegs gebruik word in 'n volle metaalinstallasie, in plaas van lugroosters.	
ELEKTRIESE WERK	Alle elektriese werk moet van vlam-proef konstruksie wees.
GEVAAR KENNISGEWING	“GEVAAR – GEEN ROOK” kennisgewings in 150mm hoë wit letters op 'n rooi agtergrond moet voorsien word bokant die deur buite die spuithokkie.